

सानसेयारि "बड'सा" खौरांलाइयाव समाजयारि जिउजो लोब्बा थानाय रायथाय, खन्थाय, सल', सल'बाथा आरो दावबायारि थावनि, पार्क बाइदिनि सायाव लिरनाय लिरबिदां दैथाय हर। सानसेयारि "बड'सा" खौरांलाइया सेबखानानै फोसावगोन।

बड'सायाव लिरहरनायनि हुदा खालाम, "बड'सा" खौ नोंथां, जों बयबो आंगो खालाम।

थं:

सानसेयारि बड'सा मावखुलि

माइबं नोगोर, जोहोलाव देमालु लामा

कक्राझार, बिटास-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 24 June, 2021 Kokrajhar, BTC, Assam ★ Vol.- 31, Issue No. 89 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बारग' मन्थि रकिबुल हुसेइनआ श्रिरामपुरआव दावबायहैदों

गसाइगाव, 23 जुन: गसाइगाव महकुमा एबा 28 नं गसाइगाव विधान सभा बियाबनि सिडाव थानाय श्रिरामपुरआव दिने कंग्रेसनि बारग' मन्थि रकिबुल हुसेइनआ दावबायहै नानै दोलोन मोनसे मेलाव बाहागो लाहैयो। श्रिरामपुरनि हातिथुग ब्लक कमिटीनि मावख'आव बारग' मन्थि एबा कंग्रेसनि गागि दैदेनगिरि रकिबुल (□ 5 बिलाइआव)

बारग' मन्थि रकिबुल हुसेइनआ रुंसारि एम एल ए माजेन्द्र नाजारीनि नखर'आव खौरां लाफैदों



गसाइगाव, 23 जुन: थानाय बावैसो सान सिगां रुंसारि जालानाय एम एल ए माजेन्द्र नाजारीनि न'आव दिने आसामनि बारग' मन्थि रकिबुल हुसेइनआ दावबायहैयो। बारग' मन्थिया दिने फुनि समाव एम एल ए नि न'आव नुजाथिहैनानै रुंसारि माजेन्द्र नाजारीनो जोबथा मान बाउवो। बेनि उनाव बिथाड रुंसारि एम एल ए नि नखरनि सोद्रोमाफोरजों सावरायलायो आरो बिथाड फेगौ समफोराव गासै रोखोमनि मदद खालामनो बोसोन होयो। रुंसारि एम एल ए आ सासे गोथार गोसोन सुबुंमोन होन्ना बारग' मन्थिया बुडोदि बिथांनि रुंसारि जालानाय महाजत

फैगौ 15 आगस्टनि गेजेराव राइज्योनि साफ्रोमबो सुबुंफोरा भेक्सिन मोनो हागोन

करना सन्देरनायनि हारआ 2 जौखोन्दोनि गाहायाव फैबाय

गुवाहाटी, 23 जुन: राइज्योयाव सानफ्रोमबो 3 लाख सुबुंफोरखौ कभिड भेक्सिन होनायनि थांखिखौ जागयनाय हिसाबै दासान्दि राइज्यो नाडै कभिड भेक्सिन होनायनि हाबाफारिया गोखोडै सोलिगासिनो। मख'जाथावदि, थानाय 80 साननि उनाव करना सन्देरनायनि हार 2 जौखोन्दोनि गाहायाव (□ 5 बिलाइआव)



बि टि सिनि आबाद बिफानआ

आबादारिफोरनो पावार टिलार राब्दों

कक्राझार, 23 जुन: आबादारिफोरखौ आबाद मावनाय बिथिडव हेफाजाब होनो आरो बांसिन आबाद दिहुन्थायनि थाखाय थुलुंगाखांहोनायनि नोजोरजों बि टि सिनि आबाद बिफानआ गासै दरबै जिल्ला फारियै कक्राझार, चिरं, बाक्सा आरो उदालगुरिन



सुबुं आफादनि बुंथिगिरिया आसाम आयेन आफादनि बुंथिगिरि विश्वजित दैमारिखौ बारन्जायदों

गुवाहाटी, 23 जुन: आसाम आयेन आफादनि बुंथिगिरि विश्वजित दैमारिआ थानाय मंगलबास्खालि सुबुं आफादनि बुंथिगिरि अम बिरलानि मासि सामलायनायाव जथुमनाय गासै भारतनि आफाद दैदेनग्राफोरनि मोनसे सावराय जथुमाव भिडिअ कनफोरन्सनि गेजेरजों बाहागो लायो। सुबुं आफादनि बुंथिगिरिया आफादआव राइज्यो आफादनि सोद्रोमा महरै विश्वजित दैमारिनि बिफावखौ जोबोरैनो बाखायो। लोगोसे बिथांनि गावारि आरो रोंगौथिखौ



साबायख'र बाउवो। बे जथुमाव बुंथिगिरि दैमारिया संसदयारि राहानि सामलायनायाव आफाद दैदेनग्राफोर मोगा-मोगि जानाय बायदिसिना जेनाफोरनि सोमोन्दै (□ 5 बिलाइआव)

करना भेक्सिन लायाला नोंथाडा दान-बान्था मोनायनिफ्राय जानगाशव थानांनो हागो

आसाम सरकारा मावफारियाफोरनि भेक्सिन लानायनि रोखा फोरमायथि दिहुनो बिथोन होबाय

गुवाहाटी, 23 जुन: मिरु सरकारनि बिथोन बायदियै आसाम सरकाराबो राइज्योनि साफ्रोमबो सुबुंफोरखौनो कभिड भेक्सिन थुजानो थाखाय गले-गले खावलायबाय थादों आरो राइज्योनि साफ्रोमबो सुबुंफोरखौ भेक्सिन होनायनि असिलायै थानाय सानखालिनफ्राय राइज्यो नाडै भेक्सिन थुनाय मोनसे गेदेर हाबाफारिखौ जागायदों। गोसो होनो गोनां बाश्रादि, जुदि नोंथाड सरकारि साखि मावो आरो भेक्सिन थुजायाखै, अब्ला नोंथाड मोनसे फिसा हाबाफारि खुंनयनि गेजेरजों मुलामफारियाफोरनो पावार (□ 5 बिलाइआव)

आसामनि मोन 5 विधान सभा

बियावयाव उफ्रा बिसायख'थि खुंजागोन

गुवाहाटी, 23 जुन: बावैसो सिगां मरियनि बियाबनि कंग्रेसनि एम एल ए रुफज्यति कुर्मिआ एम एल ए मासि एंगारनायजों लोगोसे कंग्रेस दोलोखौ नागरानै बि जे पिआव हाबनायनि उनिनफ्रायनो कंग्रेसनि आरो गुबुन (□ 5 बिलाइआव)

कक्राझार नोगोर आफादनि बान्जायनायाव साखोन-सिखोन हाबाफारि खुंदों

कक्राझार, 23 जुन: आमथिसुवा फोबों फालिनायजों लोब्बा लाखिनानै समाजयाव गोगो आरो गोथार आबहावा थासारि लाखिनायनि नोजोरजों स्वच्छ भारत अभियाननि मोनसे बाहागो महरै दिने कक्राझार नोगोर आफादनि बान्जायनायाव आइदिएल एन जि अनि हेफाजाबजों कक्राझार सहरनि सोरगिदि सिबखानाय आरो साखोन-सिखोन हाबाफारि बान्जायदों। कक्राझार मिउनिंसिपालिटी बर्डनि मासिगिरि प्रतिभा ब्रह्मनि दैदेननायाव बे सिबखानाय साखोन-सिखोन हाबाफारिखौ कक्राझार सरकारि गोजैसिन आरो थांखिबां फरायसालिनि लांगोनानिफ्राय जागायनानै गोजाम फ्लाइअभार जानानै सान्तिनगर, जिल्ला बेंगिरिनि मावखुलिनि लामा आरो खाथि-खाला लामाफोराव दाखोर (□ 5 बिलाइआव)



नब'दय फाउन्डेसनआ निखावरि नखरफोरनो जाग्रा मुवा-बेसाद राब्दों

तामलपुर, 23 जुन: हादोरजों लोगोसे आसाम राज्योयाव महामारि करनाया फोजोबस्रालु महर लानाय समावनो निखावरि नख'रफोरनो मदत होनो थाखाय नब'दया फाउन्डेसनआ सिगांबोदों। दिने नब'दया फाउन्डेसननि बान्जायनायाव आरो सेस्टा बडाइगावनि आफादगिरि पुर्न सेत्रि, नेहाथारि कृष्ण सेनजों हेफाजाबाव बाक्सा जिल्लानि तामलपुर महकुमानि सिडव नोदा हाउलि, फाखिबारि ससिपुर गामियाव गं 100 नखरफोरनि गेजेराव जाग्रा मुवा-बेसाद रान्नाहै होयो। जाग्रा मुवा-बेसादफोरनि गेजेराव माइरं, थाव, साफोन, सिंखि, सयाबिन, आलु बायदि मुवा-बेसादफोरखौ रान्नाहै होयो। बे हाबाफारियाव नब'दय फाउन्डेसननि आफादगिरि पुर्न सेत्रि, नेहाथारि कृष्ण सेनजों हेफाजाबाव बाक्सा जिल्लानि तामलपुर महकुमानि सिडव नोदा हाउलि, फाखिबारि (□ 5 बिलाइआव)

बाक्सानि भारत-भुटान ओन्सोलाव सुबुं लांखारनाय जाथाय

सा 7 सुबुंखौ उदां खालामनायजों लोगोसे सा 5 सुबुं लांखारनाय दायनिगिरिफोरखौ हमदों

बाक्सा, 23 जुन: खामानि होनो होन्ना नंखाय खोथा होनानै गोदै-गोदै रावजों फुस्लायना आसामनिफ्राय गुबुन दाब-दाब राइज्योफोरव

सुबुं लांखारनाय जाथायफोरा आसामनि थाखाय गोदान बाश्रा नंला। खामानि गैजायै गोबां लाइमोनफोरा खामानि मोनगोननि हाबिलासजों गुबुननि

गैदै रावयाव गोजावनानै बेबायदि सुबुं लांखारनाय जाथायजों भुगिनांनयखौ खोनानो आरो नुनो मोनबोबाय थादों। बेबायदिनो आसामनि

बाक्सा जिल्लायारि सोमजिबावदों सुबुं लांखारनो नाजानाय मोनसे जाथाया। बाक्सा जिल्लानि भारत-भुटान (□ 5 बिलाइआव)



सिमान्त सेतना मन्च'आ कभिडजों भुगिनांनय सुबुंफोरनि गेजेराव आयुस-64 मुलि राब्दों



गसाइगाव, 23 जुन: सिमान्त सेतना मन्च पुर्बउत्तरआ दिने गसाइगावआव कभिडजों भुगिनांनय फाहामथाय लाखानाय माखासे सुबुंफोरनो कभिड होबथानायनि गोहो गोनां मुलि आयुस-64 गथायो। गसाइगाव सदर सोहोरनि (□ 5 बिलाइआव)

बर' लाइमोनफोरखौ साखियाव थिसन्नायनि थाखाय 27 थि एस एस बि सान्थि हान्जाया फोरेंथाय होनाय हाबाफारि बान्जायदों

बाक्सा, 23 जुन: थानाय बोसोर 2020 नि 27 जानुवारीखालि जानानै थानाय बर'नि 3 थि गोजोन गोरोबथा थामहिन्बा बि टि आर गोरोबथानि दफा बायदियै बि टि आर हालामनि बर' लाइमोनफोरखौ जख्खायै रैखाथि बिफानाव साखि थिसन्थाय होनायनि लेखायै बावैसो सिगां



बि टि आरनि गाहाय खुंगिरि प्रमद बर', लेडइ गाहाय खुंगिरि

गबिन्द बसुमतारि आरो मावफुं सोद्रोमा रन्जित बसुमतारिमोन्हा



गुवाहाटीयाव आसामनि डि जि पि, एस एस बि, बि एस एफ,

आर्मी आरो सि आइ एस एफ बिफाननि गोजौ थाखोन

मावख'गिरिफोरजों बर' लाइमोनफोरखौ साखियाव थिसन्थाय होनाय आयदानि सायाव सावययनायनि फिथाइ महरै दासान्दि रैनिया, एस एस बि बायदि रैखाथि बिफानआ बि टि आर हालामनि दाब-दाब जायगाफोराव बर' लाइमोनफोरखौ सिगांग्रों (□ 5 बिलाइआव)

सुजुगिरिनि खोलोम

आबाद जौगाहोनायनि बाश्रा

राइजो जानायव बयहाबो गावनि फार्से एग्रे-बेग्रे जानायखौ लुबैयो। हास्थायनाय लुबैनायनि गुदियावनो दं थानानै थानायनि थागिदा, नख'रखौ माय-दै, रां-रुपाजों ग्रोम ग्रोम खालामनानै नख'राव बिजि-फिसा इयुन जोलैफोरनो थाना थानायनि लामा बेखेवनानै होलांनयनि थांखि। आबाद गाहाय हादतनि साफ्रोम आबादारिफोरा नख'रखौ माय-दै, रां-रुपाजों ग्रोम-ग्रोम खालामनानै रांखास्थियारि बिथिडे गेरेमसा नख'र दानो हानायनि गुदियावनो दं आबाद मावनाय आरो दिखानायाव मोनांगौ बाइदिसिना खाबु आरो राहाफोर। आबाद दिखानायाव मोनांगौ राहा आरो खाबुफोरखौ मोनफुनो हायोब्लासो आबादारिफोरा गोबां आबाद दिहुन्नायाव मख'जाथाव बिहोमा होनो हागोन। जॉनि आबादारिफोरा गुबैयै बाइदिसिना बिथिनिक्राय खाबु मोनबोयाखै। जाउनाव आधिकालनि थासारि आरो बोथोरजों गोरोबनानै आबाद दिखानो आरो मावनो हाजोबाखै। गोरोखोयारि आदोबजों गोबां दिहुन्नाय आरो एसेल' हायावनो आबाद मावनानै गोबां फसल दिखानायाव गोब्राब जेना लाबोदों।

आबादयानो थाना थानायनि गुदि राहा आरो गाहाय लामाब्लाबो आबाद दिखानायनि बागै आबादारिफोरनो थि समाव गोगो जोलै बेगर जगायनाय, दै सारनायनि राहा होनाय, मुल्लि-हासार बाडाय बेसेनाव जगायनानै होनायखौ थि खालामनो हायोब्लासो आबादारिफोरा आबाद दिहुन्नायाव मख'जाथाव बिहोमा लाबोनो हागोन होनानै सानो हागौ। सरकार बिथिनिक्राय थि समाव थि राहा लायोब्लासो आबादनि गेजेरजोंबो आधिकालाव थाना थानायनि राहा जगायनो हायो होन्नाय थारै महर मोनो हागोन।

बोसोराव दैज्जानि माय आबादल' नख'र सामलायनायनि लामा दिहुन्नांगोया गोब्राब। बे बिथिडेनो माय आबादजों लोगोसे दैज्जानि दैज्जानि, मेसेनि मेसें बाइदिसिना मैंग-थाइंग, फिथाय-सामथायजों लोगोसे सबाय,सिबि, बेसर, फाथो रोखोम रोखोम आबाद मावनाय आरो दिखानायाव सरकारि बिथिनिक्राय लानो गोनां राहाफोरखौ आबादारिफोरनो बोसोन, सुबुरुन होनायनि राहाफोरखौ बिफानारि मावफारियानि गेजेरजों होनायनि राहा खालामनानै। बाइदिसिना आबादनि फार्से गोखौ रोग'थि गैयै आबादारिफोरनो बोसोन सुबुरुन होनायजों लोगोसे आबाद दिखानायाव नांगौ जानायफोरखौ गुबुन राइजोफ्राव आबादारिफोरनो बाडाय बेसेने मोनफुनो हानाय बादि जगायनायनि राहा लानांगौ लोगोसे आबादारिफोरनो जगायनाय मुवाफ्रा थि समनि गेजेराव मोनफुनो हानाय बादियै जानांगौ जाहाथे आबाद मावनायाव जेना नुजाफैया। अब्लासो आबाद फोथाराव जौगानायनि राहा फेगोन।

दिनैनि फानजामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** जेखि जाया खामानि मावनायाव गोहोम खोखलैनो हागोन। फारफ्रोमथिबो मोजां।
- वृष:** देहायाव सनाय-सुनाय बेराम सिखांबायनो हागौ। देहाखौ सांग्राडे लाखिनांगोन।
- मिथुन:** नख'र संसारा जौगानायनि लामायाव। मोनफ्रोमबो खामानियाव मोजां फिथाय मोनगोन।
- कर्कट:** आद्रा थानाय खामाफोरा जाफुसारगोन। गोसोखौ सांस्थि मोनगोन। मोजां सान।
- सिंह:** सुथुरफोरा जैरैथिबो साग्लोबसारनो हागौ। जेरावखि थाया सांग्राडे थानांगोन।
- कन्या:** मानिबा थाखाय दुखु-दाहा सैनानो हागौ। गोसोखौ हमथा।
- तुला:** मानिबा जाहोनाव गोजान जायगायाव दावबायनांनो हागौ।
- वृश्चिक:** मोजां हाबा मावनानै गोसोआव थुलुगाखीगोन। फारफ्रोमथिबो मोजां।
- धनु:** फरायनायाव हेंथा मोनो हागौ। फरायनायाव दावगालानो हानाय नड। धैज्य हमनांगोन।
- मकर:** सोरखौबा नेनायाव गोसोअ उसु-खुथु जागोन। जेखियानो जाया धैज्य हमनांगोन।
- कुम्भ:** लोमजालु-साजालु जानायफ्रा जोबसंगोन। देहायाव गोहो-बोलो मोफिनो हागोन। मोजां सान।
- मीन:** मानि जाहोनाव दुखु सैनानो हागौ। गोसोखौ लोरबां खालामनो नाड।

भारत-श्रीलंकानि कश गार्डफोरा हेफाजाब होलायनायखौ आवगायहोनाय आयदानि सायाव जथुम खुंदों

गोदान दिल्ली, 23 जुन: भारत आरो श्रीलंकानि कश गार्डफोरा थानाय मंगलबारखालि भाचुएल जथुम खुंदों। दरनै हादरनि कश गार्डफोरा नागरिनाय आरो रैखा खालामनाय हाबाफारि, लैथोमायाव हादर सिंनि दायनिगिरिफोरजों जुजिनाय आरो भारत लैथोमायाव लैथोमायाव दावबायारिफोरखौ सरैखाथि होनायजों लोगोसे गुबुन गुबुन लैथोमायायारि आयदाफोरनि




अनुप एकनायकआ बे जथुमखौ देदेन्दों। माखासे सान सिगां भारतयारि नेभिनि सासे जौसिन बिबानगिरिआ मोनसे मख'जाथाव बिबुंथि होदोंमोन। श्रीलंकायाव चीना नेभिफोरा

गोदान बन्दरगाह बिथांखिफोर मोनयनि सायाव बिथाड जिगा सिनानै बुंदोंमोनदि, बे ओन्सोलाव भारतयारि जौगाखानायनि थाखाय खैफोद सोमजिनो हागौ आरो बेबादि हाबाफारिफोरनि सायाव गोखैयै नोजोर लाखिनायनि गोनांथि दडा निउज एजेन्सि एएनआइजों लोगोसे मोनसे इन्टारभिडआव नेभिफोरनि वाइस सिफ वाइस एडमिरेल जी अशक कुमारआ बुंदोंमोनदि, भारतयारि नेभिफोरा हादरनि लैथोमायायि सिमाफोरखौ रैखाथियै लाखिनो थाखाय आबुडै थियारि। बिथाड बुंबावदोदि, जुदि बबेबा गुबुन हादरआ बे ओन्सोलाव एसेबां गोहो दिन्थिनायखौ जागायोब्ला बेयो जॉनि हादरनि थाखाय खैफोद सोमजिहोनो हागौ। बेनिखायनो जॉ लैथोमायायारि सिमाफोरखौ रैखाथियै लाखिनो थाखाय गोहामै नोजोर लाखिनायनि गोनांथि दडा।

अखांमायाव आगान हैजेन्नाय फारिलाइयाव भारतआ ब्रैथि हादर

गोदान दिल्ली, 23 जुन: थानाय बोसोरफोरव भारतआ अखांमायाव गावनि जाफुसारनायखौ फोरमान होदों। आमेरिका आरो रासियाजों लोगोसे भारतआबो बै थाखोआव सौहैनो हाबाय, जेखव मुलुगनि माखासे हादरफोरल' सौहैनो हादों। बे बिथिडाव भारतनि मिसन चन्द्रयान-2 आ आसा खालामनायबादि जाफुसारनो हायाखैब्लाबो बुहुमनि गेजेरव भारतआबो मुं आर्जिनो हाबाय। इउनियन अफ कन्सार्नांड साइन्स्टि सेटेलाइट डाय बेसआ मोनसे फारिलाइ थियारि खालामदों। बे फारिलाइयाव मुलुगनि है हादरफोरनि मुं दं जायफोरा अखांमायाव जाफुसारनायनि फिरफिला उरायहोहैनो हादों। बे रिपर्टनि बादब्ला, स्पेसआव आमेरिकानि गं 1038 सेटेलाइट, चीननि गं 356, रासियानि 167, आमेरिकानि गं 130, जापाननि गं 78 आरो भारतनि गं 58 सेटेलाइटफोर दडा। बेफोरनि गं



339 आ सांश्रिनि थाखाय, गं 133 आ सुबुफोरनि, गं 1440 आ फालागिरिनि थाखाय आरो गं 318 आ गलाय-गथाय बाहायनायनि थाखाय बाहायजादों। भारतआ गिबियै अखांमायाव 1963 माइथायनि 21 नभेम्बरआव आगान होजेन्दोंमोन। बेखौ भारतआ केरैलानि ना हमग्रा ओन्सोल थुम्बानिक्राय आमेरिकायाव बानायनाय मोननै खोलोबनि साउन्डि स्केट नाइक अपाचेखौ आन्जाद नायदोंमोन। बेनो भारतनि गिबिसिन अखांमायाव आगान हैनायमोन। बै समाव भारतनिआव बे आन्जाद नायनायनि थाखाय गोनांथार खाबुफोर आरो गाहाय गुदि बिथाफोरबो गैयामोन। उनाव 2013 नि 16 नभेम्बरआव अखांमा बिगियाननि जास्मिनआव भारतआ मोनसे गोदान जास्मिन लिरदों। बे सानखालि 2.39 रिगायव अन्ध प्रदेशनि श्रीहरिकटानिक्राय पि ए स ए ल फि स - 2.5 मंगलयानआ अखांमायाव बिरलांदोंमोन। 2014 नि 24 सेप्टेम्बरआव बे सेटेलाइटआ मंगल ग्रहआव सौहैनायनि उनाव भारतआ बेबादि अभियानआव खेबसेयावनो जाफुसारनो हानाय हादर जायो। बेजों लोगोसेनो सभियेत रासिया, नासा आरो इउरपीय अखांमा एजेन्सिनि उनाव बेबादि मिसन दैथायहय्सा मुलुगनि ब्रैथि हादर जायो।

24 जुनआव स्ट्रैबेरि मुन नुनो मोनगोन

गोदान दिल्ली, 23 जुन: सोलिफु बोसोरव 24 जुनखालि कर्कट संक्रान्तिनि उनाव गिबि पुर्निमा आरो बे सानाव मोनसे मख'जाथाव नुथायखौ अखांमायाव नुनो मोनगोन। बे सानाव अखांमायाव अखाफोरखौ स्ट्रैबेरि गाव गानाय नुनो मोनगोन। बे गोमोथाव जाथायखौ स्ट्रैबेरि मुन बुंनाय जायो। बे सानआव अखाफोरनि दायथयखौ गिदिर आरो बेनि गाबखौ स्ट्रैबेरिनि बादि गलापहां नुनो मोनगोन। जुन दाननि पुर्निमानि सानखालि ऑखारनाय बे अखाफोरखौ स्ट्रैबेरि मुन बुंनाय जायो। अखाफोर गावनि कक्षलामाजों गिदिंखानायाव बुहुमनि जोबोद साखाथियाव सौफेनायनि जाहोनाव बेनि महरखौ गुबुन सानफोरनिखुइ देरसिन नुनो मोनगोन। बे समाव नुजानाय पुर्निमा अखाफोरखौ स्ट्रैबेरि मुन बुंनाय जायो। मख'जाथावदि, स्ट्रैबेरि मुननि मुंखौ गोदो-गोदायनि आमेरिकानि जनजातिफोरनिफ्राय दोन्नाय जादों, जायफोर स्ट्रैबेरि आबाद



दैखानायनि बोथोर जगायनायजों लोगोसे पुर्निमाखौ सिनायथिनाय जादोंमोन। अदेबानि स्ट्रैबेरि मुनआ आमेरिकानि मोनसे ओन्सोलारि मुं। मुलुगनि गुबुन गुबुन बाहागोफोरव बेखौ गुबुन गुबुन मुडै मिथिनाय जायो। स्ट्रैबेरि मुनखौ इउरपआव रज मुन बुडो, जाय गलाव बिबार बारफुथारनायनि नेसॉन। सा गलार्धआव बेखौ हट मुन बुंनाय जायो, मानोना बे साननिक्राय बिषुव हांखोनि साहाथिं गोलोम बोथोरआ जागायजेनो। बेखौ बैयाव गोलोम बोथोर जगायनायनि दिन्थिसिन होन्नानै मानिनाय जायो। सरासन्हायै स्ट्रैबेरि मुनआ उदां बोथोरनि जोबथा पुर्निमा, गोलोम बोथोरनि गिबि अक्ट' एवा हाबजेन्नायखौ फोरमायो। बेखौ ब्लुमिं मुन, ग्रीन कर्न मुन, हर मुन, बार्थ मुन, हेचिं मुन, हानि मुन आरो मीड मुन बायदिबो बुंनाय जायो। बावैसो सिगाडाव माखासे मख'जाथाव जाथायफोरखौ नुनो मोन्दों बे बोसोयव। जै-सुपार मुन, ब्लाड मुन, अखाफोर मन'नाय आरो रि अफ फायार थामहिनबा सान मन'नाय बायदिखौ नुनो मोन्दोंमोन। 24 जुनि स्ट्रैबेरि मुनआबो जोबोद जर'खा। हिन्दु फान्जामुथिनि बादिब्ला, स्ट्रैबेरि मुनआ उदां बोथोर (बसन्त ऋतु) नि जोबथा पुर्निमा आरो दैज्जानि बोथोर (ग्रीष्म ऋतु) नि गिबि पुर्निमानि नेसॉन। स्ट्रैबेरि मुननि उनाव 24 जुलाइआव बक मुन आरो 22 आगस्टआव स्टर्जजन मुन नुनो मोनगोन।

भारतआ उतरखारिफोरनो पेन्सन होनायाव पाकखौ थांखिदों

जेनेभा, 23 जुन : भारतआ इउएन सुबुं मोन्थाय परिषद (इउएनएचआरसि) आव उतरखारिफोरनो पेन्सन होनाय आरो थानो रैखाथि होनायनि थाखाय पाकिस्तानखौ गोखों बाश्रा बुंदों। भारतआ बुंदों, इस्लामाबादआ उतरखारिफोरनो हेफाजाब होनाय आरो थानो जायगा होनायनि थाखाय फिन्नाय होनायनि समा सौफेबाय। पाकिस्ताननि सुबुंथिनि सायाव फिन्नाय होनायनि मोनथायखौ बाहायनानै भारतनि अरायथा मिसननि गिबि सेक्रेटारि पवन कुमार बाधेआ बे बाश्राखौ बुंदों। बियो बुंदों पाकिस्तानआ फिन खनसेबाव भारतनि हेंथायै थार नडै आरो सांग्राथि गौयै दाय जाबसिननायनि थाखाय बे जौसांखौ बाहायनाया दुखुनि बाश्रा। इस्लामाबादआ हादतयाव सुबुं मोनथायनि गात्रि थासारिनिक्राय परिषदनि नोजोर होनायखौ जानगार खालामनो बेबादि खालामदों। पाकिस्तानआव एसेल' सुबुं अन्जिमायानि थासारिया गात्रि जानायखौ, बिसेरनि खम जालानाय सुबुं अन्जिमानिक्राय मोनथिनो हागोन। पाकिस्तानआव जबरजस्तीयै धोराम सोलाय होनाया सानफ्रोमबोनि जाथाय। एसेल' सुबुं अन्जिमानि आइजोफोरखौ खानानै लानाय, जिनाहारि खालामनाय जबरजस्तीयै धोराम

सोलाय होनाय आरो जुलि खालामनाय खौरांखौ मोनथिनो मोन्नाय जायो। पाकिस्तानआव बोसोरफ्रोमबो एसेल' सुबुं अन्जिमानि 1,000 निक्राय बांसिन आइजोफोरखौ धोराम सोलाय होनाय जायो। बाधेआ बुंदों, इसोरखौ सांखारिनाय आयेन, जबरजस्तीयै धोराम सोलाय होनाय जुलि लानाय, खूस्टान, एहमादिया, सिख हिन्दुफोरजों लोगोसे एसेल' सुबुंफोरनि आइजोफोरखौ जिनाहारि खालामनाय आरो बुथारनाय जाथाया पाकिस्तानआव मोनसे जाप्लेबाय थानाय जाथाय जाबाय। पाकिस्तानआव एसेल' सुबुं अन्जिमायानि धोरामारि गोथार जायगा आरो गोदो गोदायनि जायगानि सायाव गार्लोबनाय जायो आरो बुफाय-बुसि खालामनाय जायो। भारतीय बिबानगिरिया पाकिस्तानआ खौरांगिरिफोरनि थासारिनि सायावबो जिगा सिनायखौ फोरमायदों खौरांखौ रिपर्टि खालामनाय महरै पाकिस्तानआव मुलुगनि बयनिखुडो खैफोद गोनां हादतफोरनि फारिलाइया थाफदेदों। बेवहाय खौरांगिरिफोरखौ हुमखि होनाय जायो। सिगि सग' खालामनाय जायो, खौरांखौ फोसावदि खालामनायखौ होवथानाय जायो, बिसेरखौ खानानै लानाय जायो आरो गुबुन गुबुन केसफोरव बुथारनायबो जायो।

आमेरिकानि संसदनि सायाव 6 जानुवारीखालि गाग्लोबनाय जाथायखौ नायबिजिरनो थाखाय गोदान कमिटि दासिगोन

वाशिंग्टन, 23 जुन: आवागयहोनाय जागोन, जेराव होंगो-दोंगो सुबुंफोरा पुलिसफोरखौ बे'खन्नानै लायो, बिल्डिडाव हाबो आरो एमपिफोरखौ नागिरो। जाहाथे ज्य' बाइडेननि हिसायख'थियाव देहनायखौ होवथानो हायो। मख'नो गोनांदि, बारग' हादरगिरि डनाल्ड ट्राम्पआ हादरगिरि बिसायख'थिआव गावनि जेन्नायखौ गनायनानै लायाखैमोन। ट्राम्पआ बे बिसायख'थियाव गेनाखान्थि खालामनायनि दाय जाबसिन्दोंमोन। बेनि उनाव थानाय 6 जानुवारीआव ट्राम्पनि हेफाजाबगिरिफोरा आमेरिकानि

केपिटेलआव हिंसायारि जाथाय खालामदोंमोन। ट्राम्पनि सायाव सुबुंफोरखौ हिंसायारि जाथाय खालामनो थुनज्जालयनायनि दाय जाबसिन्नाय जादों। सुलुडव फोरमायनाय बादिब्ला, आमेरिकानि संसदआव जानाय गाग्लोबनायनि उननिफ्राय बेयाव नेसनेल गार्डखौ थिसन्दोंमोन। बेनि 5 दान उनाव नेसनेल गार्डआ केपिटेल पुलिसनो रैखाथिनि बिबानखौ गथायो। थानाय सप्ताहआव सा 21 रिपब्लिकानआ केपिटेल पुलिस आरो मेट्रपलिटान पुलिसखौ हिंसायारि जाथाय जानाय सानखालि बिसेरनि सिबिथाइनि थाखाय सन्मान होनायनि हेंथायै भट खालामदोंमोन। बे हिंसायारि जाथाय जानाय समाव आरो उनाव सा 7 सुबुंफोर थैयो, जेराव बेबिट, साथाम ट्राम्पनि हेफाजाबगिरि दंफायोमोन। बेराफार्से सानै पुलिस बिबानगिरिफोर गावखौनो गाव सुइसाइड खालामदोंमोन। केपिटेल पुलिसनि सासे पुलिस मावसुमाया धर्ना होग्राफोरजों लोगोसे दावराव-दावसि जानायनि उनाव थैदोंमोन। नाथाय नायबिजिरनायाव बिनि थैनाया मिथिगायारि जाहोनफोरजोंसा जादों होन्नानै मोन्दोंमोन।



हाबाफारियाव जाफुसारनायखौ मोन्नो हायाखै। मख'नो गोनांदि, बे टेलिस्कपनि टेकनिकआ गोजाम जाबाय। नाथाय बेयो अखांमायाव संदानायनि थाखाय माइल खुन्थिया जाखांबाय। 30 बोसोरनि हाबा मावनायाव बे टेलिस्कपआ माखासे रहस्य थानाय बाश्राफोरखौ मोनथि होदों, जायखौ जों सानो हायामोन। बे टेलिस्कपआ थाबथाना थानायनि सिगां गासै 15 लाख अबजबैशन खालाम खांबाय। बेनि मदतजों अखांमाजों सोमोन्दो थानाय रिसाचनि 18 हजार पेपारखौ दासिमाव 9 लाख खेब साफायखांबाय। बेयो मोनसे गोमोथाव। नाथाय थार अन्जिमा। गावनि 30 बोसोर दावबायनायनि समाव बे टेलिस्कपआ बिगियानफोरनो नेबुला, नवा, सुपारनबा आरो आरब कि:मि: गोजानाव थानाय गेलेक्सिफोरनि सोमोन्दो मोनथि होदों।

हादरनि माखासे राइज्योफोराव फैगौ सानबासिमाव गोबां अखानि एलार्ट

गोदान दिल्ली, 23 जुन: भारतयारि बोथोर बिगियान बिफानआ हादरनि माखासे राइज्योफोराव फैगौ सानबासिमाव गोबां अखानि एलार्ट फोसावो। आइएमडिनि बादिब्ला, सोनाबयारि नारसिन्थायनि जाहोनाव फैगौ सानबासिमाव सोनाबयारि हिमालय ओन्सोलफोर आरो नर्थ-वेस्टनि खाथि-खाला ओन्सोलफोराव गोबां अखा हानो हागौ। स्काइमेटनि बादिब्ला, उरिष्ठा, सोनाब बंगनि माखासे बाहागोफोर आरो सा-सान्जा भारतआव एसेनिफ्राय गेजेर थाखोनि अखाजों लोगोसे माखासे जायगाफोराव गोबां अखा हानो हागौ। बेरफासे सिक्किम, बिहारनि माखासे बाहागोफोर, सान्जा उत्तर प्रदेश, झारखन्ड आरो छत्तिसगड़नि आलादा-आलादा



बाहागोफोर बोरीयारि अन्ध प्रदेश, केरला, कर्नाटकनि माखासे बाहागोफोर आरो तामिलनाडुनि माखासे बाहागोफोराव साननैसिमाव गोबां अखाजों लोगोसे एसेनिफ्राय गेजेर थाखोनि अखा हानो हागौ। स्काइमेटनि बादिब्ला, मोनसे चक्रवात

नांजाबनाय सान्जा उत्तर प्रदेश, झारखन्ड आरो गंगा सोनाब बंगजों जाननै सा-सान्जा सोनाब बंगनिदँमा सेरनि बंगप लैथोमासिम थांगासिनो दड। भारतयारि बोथोर बिगियान बिफाननि बादिब्ला, फैगौ 7 साननि गेजेराव दिल्ली आरो राजस्तान, हरियाणा आरो पान्जाबनि माखासे बाहागोफोराव मौसुमि बोथोरनि अखा हानाय नड। खोला-सोनाब मौसुमि बोथोरा दासिमाव राजस्तान, दिल्ली, हरियाणा आरो पान्जाबनि माखासे बाहागोफोरखौ नागाननै हादरनि बांसिन बाहागोफोराव फैखांबाय। सोनाबयारि बारा माखासे साननिफ्रायनो सा-सोनाब भारतनि जोबथा बाहागोफोराव मौसुमि बोथोरनि आवगायनायखौ होबथागासिनो दड।

आबाद बिधिडाव जौगाखां होनो थाखाय आबाद मन्थि नरेन्द्र सिं तमरआ फिजीजों लोगोसे एमअइउनि सायाव बोसोरबानि थाखाय मुंसाइदों



गवालियर, 23 जुन: मिरु आबाद मन्थि नरेन्द्र सिं तमरआ थानाय मंगलवारखालि मध्य प्रदेशनि मुंसाइद जिरायननै फिजीनि आबाद मन्थि डा: महेन्द्र रेड्डुजों लोगोसे भार्चुएल जथुम खुडे। बे जथुमआव दरनै हादरनि गेजेराव आबाद बिधिनि जौगाखांनयनि थाखाय रादाय एमअइउनि सायाव मुंसाइयो। बे

एमअइउखौ बोसोरबानि थाखाय खालामनाय जादों। बेयाव डायेरि, माय, नालेखर बायदि दिहुन्थायफोरखौ जौगाखां होनो दै सोदानाय, आबाद संदानाय, जुनात फिसिनाय, आबाद बिगियान आरो बायदि बिधिफोराव हेफजाब होलायनयनि सायाव रादाय खानाय जायो। दरनै हादरफोरनि आबाद बिफानआ गावबा-गावनि बाहागोनि हाबाफारिखौ एजेन्सि जागोन।

बे समाव तमरआ बुडोदि, भारत आरो फिजीनि गेजेराव लोगोनि सोमोन्दो दड। गाहाय मन्थि नरेन्द्र मदिआ फिजीआव जारिमिनारि महैरै दावबायहैयो आरो गिबि फरम इन्डिया पेसिफिक आइलेन्डस क-अपारेसनजों फिजी आरो गुवार प्रशान्त ओन्सोलजों लोगोसे भारतखौ सरजाबनायनि गोदान लामा मोनो। आधिखालाव बे एमअइउजों सायाव मुंसाइनायजों दरनै हादरफोरनि

गाहाय मन्थि मदिनि जम्मु-काश्मीरनि जथुमायाव कंग्रेसआ बाहागो लागोन

गोदान दिल्ली, 23 जुन : जम्मु काश्मीरखौ लानानै जथुमनो गोनां गाहाय मन्थि नरेन्द्र मदिनि जथुमायाव कंग्रेसआबो बाहागो लागोन ना लाया बेयो रोखा जाबाय। कंग्रेसआ जम्मु काश्मीरनि सायाव 24 जुनआव मदिनि कंग्रेसआ थांखि लाबाय। राइज्यो कंग्रेस कमिटीनि आफादगिरि गुलाम नबी अहमद मीरआ फोमायदोंदि, कंग्रेसनि आफादगिरि सनिया गान्धीनि दैदनायव जानाय

फारुक आबुल्लानि श्रीनगराव थानाय न'आव पिपिजिडिनि दैदनिगिरिफोर जथुमा जानयनि उनाव बे बाश्राखौ फोसावो। मख 'जाथावदि 2019 नि आगस्ट आ जम्मु काश्मीरनिफ्राय जरखा बिमुंखौ बोखरनाय आरो बेखौ दरनै मिरुजों खुंजानाय राइज्योआव बो'खावनायनि उनाव बे जथुमाया गासैबो दोलोफोरनि गिबि जथुमा। बे जथुमायाआव बाहागो लानो थाखाय जम्मु काश्मीरनि गासैबो दोलोफोरनो हांखायलाय हरखांबाय।

चीननि सायाव एमेजनआ मोन्थाम ब्रेन्डखौ आरो सुइडेनआ हुवाबेनि सायाव होबथादों

गोदान दिल्ली, 23 जुन : टेकनिकनि बिधिडाव आखा-फाखा चीनआ फारमैथि जायनिफ्रायनो गोमो नांदों। फारसैथिजाय सुइडेनआ थानाय बोसोराव अक्टबरयाव टेलिकम कम्पनी हुवाबेनि सायाव होबथानायखौ थांखिलांबाय थादों। गुबुन फारसैथिजाय एमेजनआ चीननि मोनथाम ब्रान्डनि सायाव बेन लागायदों। चीनखौ गोमो होनानै सुइडेनआ हुवाबे टेकनलजिनि सायाव 5 जि जोन्थोर फानायखौ होबथानायखौ लाखिलांदों। मख 'नो गोनांदि, थानाय बोसोराव रेखाथिनि जाहोनाखौ नोजोर होनानै सुइडेननि सायाव 5 जि जोन्थोर फानायखौ होबथादोंमोन। जायखौ लानानै कम्पनीआ बिजिरनायनि फारसै थांदोंमोन।

बेनि अनगायै फेक रिबिउजनि सायाव बिजिरनानै एमेजनयाबो चीननि गं 3 ब्रेन्डनि सायाव होबथादों। सुइडेननि पस्ट एन्ड टेलिकम अर्थरिआ हादरनि संगालि सार्भिसफोरनि आर'ज गावनायनि सायाव रेखाति जिंगा सिनारनि जाहोनाव अक्टबरयाव चीननि जेटटीइजों लोगोसे कम्पनीखौ नेटवार्क जों होबथादोंमोन। बेनि सायावचीननि कम्पनीआ बिजिरसालिआव अजदलाइ थिसन्दोंमोन। नाथय बिजिरसालिनि थांखि लानायखौ खोनासंनानै हुवाबेनि थान्दैया थांखि लानायखौ दुखु मोनहोनाय फोरमायदोंमोन आरो बुंदोंमोनाथि बेयो जोबथा थांखि लानाय नड। बेनि उनाव डिसेम्बरयाव कम्पनीआ गावनि इनेसियेल आर'ज गावनायखौबो खोमाना लादोंमोन।

इस्लामाबादआव 4.5 रिक्टरनि बांघि मावदों

गोदान दिल्ली, 23 जुन : पाकिस्ताननि राजथावनि इस्लामाबादआव बांघि मावनायखौ मोन्दांथियो। बुधवारनि फुंआव बै जायगानि सम बादिथै बांघिया फुंनि 6.39 रिगाआव मावदों। बे बांघि मावनायनि गोन्दांथियो 4.5 रिक्टर होन्नानै मोन्दांथियो। बांघि मावनायनि मिरुखौ इस्लामाबादनिफ्राय 146 किल'मिटर खोला सोनाबधिं मोन्नाय जादों। खौरनि बादिब्ला बे बांघि मावनायाव जेबो रोखोमनि ख'हा जायाखे, नाथय सुबुंफोरा गिखांनयजों दावराव-दावसि जादोंमोन बै बांघि मावनायनि उनाव। मख 'जाथावदि, बांघि मावनाय समाव गावनि न', मावख' एबा जायखि जाया न'बिलिडिआव दडब्ला बेनिफ्राय गिखांनानै हरखाबै बाइजोआव खारखोनो नाड होनानै बोसोन होनाय जायो। मानोना बांघि मावफुंनया समाव खारोब्ला सौदावसौसि, गोल्नैनाय आरो गुबुन जैना जानो हागौ। अदिबानि हायोब्ला लासैथै न'सिनिफ्राय बाइजोयाव उदां जायगायाव ओंखारना थाफैनांगो।

सानसेआवनो 86.16 लाखनिखुइ बांसिन ड्रप थुदों

गोदान दिल्ली, 23 जुन: 16 जानुवारनिफ्राय हादरनाडै गोसारनाय करना भेक्सिन थुनायाव मैयानि सानआ जारिमिन सोरजिनो हादों, जेब्ला भेक्सिन थुनायनि गिदिर हाबाफारिनि समाव सानसेयावनो 86.16 लाखनिखुइ बांसिन ड्रप थुयो। सुलुडव फोरमायनाय बादिब्ला, मुलुगानाडै दासिमआव 28.8 कौटि भेक्सिन थुबाय। मिरु देहा बिफाननि बादिब्ला, थानाय समबरखालि सानसेयावनो हादरनाडै 86,16,373 भेक्सिननि ड्रप थुयो। हादरनि गेजेराव बयनिखुइ बांसिन मध्य प्रदेशआव भेक्सिन थुनाय जादों। बेयाव 16 लाखनिखुइ बांसिन ड्रप थुबाय। सुलुनि बादिब्ला, मुलुगानि बयनिखुइ देरिसन करना



सरकारफोरनो रनानै होगोन। मख 'नो गोनांदि, थानाय 24 घन्टनि गेजेराव भारतआव करनानि सा 42,640 गोदान केस फेयो। देहा बिफाननि बादिब्ला, थानाय 91 साननि उनाव मैया 50 रोजानिखुइ खमसिन केसआ रेकर्ड जादों। भारतआव दासिमआव करना इन्फेक्सननि गासै एक्टिब केसफोरनि अन्जिमाया 6,62,521 जाय 79 सानफोरनि उनाव 7 लाखनिखुइ खम जादों।



आसाम सरकार

साबायखरथि

कभिड-19नि भेकसिन थुनाय हाबाफारिखौ सुबुं जांखिथायसिम सोलायहोनो थाखाय आसाम सरकारा खावलायहरनायनि फारसै मान होनानै गिबि मन्थिनि अनसुंथाय फाण्डिसिम राडारि दान हरग्रा गाहायाव होनाय सुबुं/फसंथानफोरनिसिम साबायखर बाउहरनाय जाबाय।

ड॰ हिमन्त बिश्व शर्मा
गिबि मन्थि, आसाम

सुबुं/फसंथाननि मुं	दाननि बेसेन	सुबुं/फसंथाननि मुं	दाननि बेसेन
हरेस चन्द्र बरुवा	5,000 रं	कुहि बरा	5,000 रं
त्रिनयन नात्य ग'थि	1,000 रं	सरयनिका दास	2,000 रं
इयुनुस आलि	1 रं	दिप फुकन	10,000 रं
जयन्त डेका	2,222 रं	गौरभ आगरवाल	11,000 रं
सक्षीमन संघ	1,00,101 रं	सिमान्त रय	2,000 रं
नारायन चन्द्र	7,500 रं	दिब्यजित रय	1,500 रं
अतुल चन्द्र भत्ताचार्य	1,121 रं	पलास परासर	1,000 रं
आजाहारउद्दिन आहमेद	786 रं	लख्य कुंवर	40,000 रं
दिपेन कुमार दास	1,000 रं	मेहताबउद्दिन आहमेद	2,000 रं
रामकृष्ण सारदा आश्रम	7,000 रं	त्रिदिप कुमार दत्त	1,600 रं
ड॰ रन्जित कुमार बरदलै	5,000 रं	उपेन सङ्किया	3,000 रं
स्वाश्वति रयचौधुरी	1,000 रं	रानिमा बरथाकुर	5,000 रं
कालिपद रयचौधुरी	1,000 रं	हुसने इस्लाम बरा	5,000 रं
नथइष्टर्न सिक्किउरिदि सार्भिस नेस प्रा:लि:	50,001 रं	तासमनि बेगम	1,000 रं
मनजित काकति	80 रं	सक्रुपानि सक्रुवती	800 रं
स्यामल हातिकाकति	5,000 रं	रितुपन दास	800 रं
सन्जिबनि हस्पिताल	25,000 रं	कौसिक अमर दास	1,000 रं
तरुन चन्द्र बरा	1,100 रं	ड॰ चि आर बरुवा	2,500 रं
कलियाबर फरायसालिमा	10,000 रं	बिभास दास	50 रं
मिजानुर रहमान	2 रं	प्रनबन्धित बरा	30,000 रं
फरेस चन्द्र राजख'वा	1,111 रं	तखेस्वर गौरी	5,000 रं
बितु पाल	21 रं	ऋषिसराज बरथाकुर	5,000 रं
दुर्लभ मारार	51 रं	ड॰ सुमनित देव	5,000 रं
एलक्य महन	2,100 रं	केसब चन्द्र शर्मा	5,000 रं
नबन्धित सिंह	50 रं	हिमांकर गुप्ता	500 रं
रुमि तालुकदार	2,001 रं	ड॰ पुर्निमा देवि	5,000 रं
बुलु बरथाकुर	2,000 रं	नीलिकेस लहकर	600 रं
प्रबिन सांमाइ	6,00,000 रं	देबजित दास	5,000 रं
देबानन्द हाजरिका	1,11,111 रं	शचिन पातगिरि	1,200 रं
गबिन हाजरिका	20,000 रं	भास्करजेयति कलिता	1,000 रं
राजेश कुमार मालपानि	1,00,000 रं	अनुप पुरकायस्थ	2,000 रं
ज्यति सिन्हा मालपानि	26,800 रं	सुभिदिप देव	1,000 रं
रबिन कलिता	2,000 रं	मृत्युन्जय तालुकदार	5 रं
केसराम बरा	10,000 रं	लालु राम	1,200 रं
दिपांकर हाजरिका	5,000 रं	ऋषिकेस बुडुगाहाइ	50 रं
देबकान्त पेगु	2,00,000 रं	बिक्रम बरथाकुर	1,000 रं
बिभूति भुजा	21,000 रं	जिन्तु रय	10 रं
हेममराज शर्मा	5,000 रं	समिरन दास	10 रं
पुलक गौरी	21,000 रं	हाफिजुर रहमान	2 रं
दुलाल गौरी	2,000 रं	राहुन शर्मा	11 रं
महापुरुस श्रीश्री अनिरुद्ध देव नाहरआति	20,000 रं	समरज्यति दास	200 रं
थान सत्र सामब्लायथाय कमिटी	3,000 रं	सिद्धार्थ शर्मा बरुवा	500 रं
एस एम चि दाहालियाल एम भि फरायसालि	1,000 रं	आलम नाजिरुल इस्लाम	200 रं
जादव दास	3,000 रं	नितुसि डेका	5 रं
अरुनदय एल पि फरायसालि	3,000 रं	राजा आहमेद	25 रं
सदानन्द सङ्किया	10,000 रं	गपाल पेगु	51 रं
कृष्ण पट्टन क्रासार	1,00,000 रं	नयनमनि उजा	500 रं
देउरि अटनमास काउन्चिल नारायनपुर, लक्षिमपुर,	2,00,000 रं	मधुमिता पाल	200 रं
सिखामनि तामुलि	3,000 रं	राहुल मजुमदार	11 रं
प्रभात चन्द्र भुजा	10,000 रं	हिमांसु दबरा	10 रं
मेसास चन्द्र गौरी	10,000 रं	रिदिप डेका	11 रं
आसाम कम्पानि इण्डिया लि:	1,01,000 रं	अंसुमान बरुवा	100 रं
बिकन चन्द्र डेका	21,000 रं	अयनाभ दले	100 रं
मेसास भबानि प्ट'र	1,00,000 रं	जितेन कुमार रय	50 रं
जेनिफार फुकन	10,000 रं	गलापज्यति गौरी	1,000 रं
मेसास भबानि कनफ्टाकसन	50,000 रं	अनुप अगारवाल	1,000 रं
कविता सन'वाल फुकन	5,000 रं	करन कुमार हाजरिका	500 रं
जयन्ति देबनाथ	2,000 रं	खगेन बरा	50 रं
अशक पेगु	25,000 रं	प्रनब सुत्रधर	21 रं
निलकान्त पाउ	10,011 रं	राकेस माहात'	500 रं
बिजेपि सिसिर तेडनि	18,000 रं	रिंकु दास	1 रं
मन्डल कमिटी		नम्रता प्रियम कलिता	500 रं
बेंगुरा गथ', लक्षिमपुर		शंकर राजबंशी	101 रं
सोलोंथाइ खोन्दो	5,000 रं	कास्यप दत्त	1,600 रं
जिल्ला आइजो मर्चा, लक्षिमपुर	3,000 रं	तापस देबनाथ	1,000 रं
सिसिर तेडनि आइजो मर्चा कमिटी	10,000 रं	रास्ना पामेगाम	1 रं
रुपा सुतिया	3,000 रं	दिपज्यति मिति	1 रं
ल'हित शर्मा	500 रं	दिपांकर कलिता	10 रं
बिजेपि सिलापथार नोगोर मन्डल	7,002 रं	सुभम नाथ	3,000 रं
आरो आइजो मर्चा	10,000 रं	त्रिदिप राधा	100 रं
राजेन बरा	10,000 रं	प्रभरानि रय	800 रं
सिसिबरगाव मन्डल कमिटी	10,500 रं	मनिस कुमार भास्सालि	5,000 रं
सुदर्शन गाव हेफाजाब हान्जा,		तिंकु कलिता	200 रं
पानबारिस लक्षिमपुर	2,000 रं	पुर्नकान्त बरा	1,501 रं
विमलेन्दु नाग	2,100 रं	आलक कुमार सानसेति	2,100 रं
इप्सिता बरगसाइ	5,000 रं	रतन दास	200 रं
उदालगुरि पलितेकनिक	21,000 रं	बिस्वनाथ शर्मा	800 रं
बाबिं कर	1,000 रं	रहित देव	50 रं
बिस्वजित कर	3,000 रं	घनबाहादुर सेत्रि	70 रं
सिमा कर	2,000 रं	आलक फुकन	500 रं
निलतपल बर्मन	2,000 रं	प्रितम बुडुगाहाइ	200 रं
जिबन कृष्ण रय	600 रं	मिनारुल इस्लाम	1 रं
सुभास गिरि	800 रं	दिपक कुमार नाथ	100 रं
अनुमालासेति भेंकता सिसागिरि राउ	5,000 रं	सुजय दत्त रय	3,000 रं
राज गौरब रय	1,200 रं		
अनन्यान पाथक	2,000 रं		
रधुनाथ चक्रवर्ती	1,000 रं		
नर सिंह	2,000 रं		
सुभजित साहा	1,200 रं		

JANASANYOG/D/1578/21 गिबि मन्थिनि अनसुंथाय फाण्डिनि एकाउन्ट नम्बर: 35969660230 (SBI) IFSC Code: SBIN0010755, PAN: AAAPC4667K

गोजा गलाब बिबार

फालगुन दाननि जाबलिया बाराव ।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोमोन रजे
आं नोखौं जेब्ला ।
अब्ला, नौं आंनि बायराब
देरानि लांगोनायाव बारदोमोन
सानसोनि गोजा गलाब बिबार ।
दिनै बै गोजा गलाब बिबार बहा ?... ?
नाथाय , नौंदि बै सिखिफोरनि
गेजेरावसो बारहेनानै दं ।
आंनि बेसेबा गोजानावसो ।
नौं, मोदोम जायाखैथ',
सिखिफोरजौं बिदे सोबजानो ।
बिबिदिनो, र'जे नोखौं आं
हास्थायदोमोन मोकथांआव ।
नाथाय नौंदि बावगारलांबाय
अब्लाबो आं नोखौं गोबोजौं
मोजां मोन्दोमोन...
जाफुं होनो थाखै.....
नाथाय सानाखैमोन नौं र'जे
आंनि अन्नायखौं सैथो गोथार होन्ना ।
जाउनाव जानांबाय आं दिनै
लोगो गोमाजानाय दाउसा माउरिया
बिदिब्ला र'जे बुं बै समनि
अन्नाया बेसेन गैयामोन नामा ।
जानो हागौ आंदि गोरोन्थि
खालामबाय बिनि थाखाय नौं
आंखौं नेवसिगारनो हागौ ।
नाथाय, नोबो इसेबां गिदिर
समाय लानायखौं गियाखैसै ।
ना नौं समायखौं फिसा
होन्नासै सासनबाय नामा ।
ना फालगुन दाननि थिं थिं
सान्दुं दुंनयाव रानज्रिलानो
हमबाय नामा बै गोजा
गुलाब बिबार ।

बेनिजन बरगयारि

आंनि सिमां

सिमां नौं सिमां साया माया सिमां
खोमसि हराव मानो फैयो नौं ?
सोरां फैबोला मानोथो-
लाजिनानै थांफिनो नौं ?
आं उन्दुब्ला दसेनि समाव जाखां फैयो
नौं..... होंगो-दोंगो गिलुं-गिलुं ?
नाथाय सिरि मोनब्ला आंखौंसो-
खालामो नौं उलुं-गुजुं;
मिथि खानाय खायसो सानना लायो-
“आंनि सिमां”
बुंस हायै बाश्राखौंबो अनजुलिनी-
नौं माब्लाबानो फोरमाय हैबाय ।
आरो लोमोसे नौं अनजुलिनि मिनिस्तु-
महर मुश्री खौंबो लाबोना होफैबावयो;
आं आरो नौं सिमांखौं मा होन्ना-
फोरमाय बावनो;
नौं सिमांनिखुइ आं देर सिन जानो-
हाया;
नौं जेखौं फोरमायदों आं बेखौंनो-
गनायना लानांगौ जायो;
नाथाय गनायआबा जायो आंहासो-
आफोद आरो खैफोद;
मा इसि गोमो थावनो-
“आंनि सिमां”
गुदि गैया थुंगि गैया जाहोयो-
गावहा हं.....हं;
नाथाय फिथाय आबा खालामो-
अहं ;
फोरमाय जानाय मोनब्ला फोरमायगौमोन-
आंलाय;
लिरनां आमोन आंलाय-
खन्थाइ रायथाइ-
फोरमायथि बिलाइ-
नांलाइ आमोन आंनोलाइ-
खौरां बिलाइ ;
आय' नौं मा इसे गोमोथाव
“आंनि सिमां”

मुसि जायखलं गोरा ब्रह्म

रंजालि गथ' फोरनि सौरा

नौंनि सायाव फोथायो

नाजागासिनो आं
मिथिस 'याखै नौं,
खुगानिफ्राय ओंखारनाय रावा
गौबोनिफ्राय थिन्नायाव बेरखांदों ।
नौंनि गोसो मोखांनि
दाहाजों बावगोमानाय दुखुखौं
आवग्रिनो आरो सोरखौं,
हानायखिनि होबाय अन्नाय
गोनांथिबो फैबाय ।
गोनांथि गैयाब्ला मोदैखौं
आं माब्रैथो सिनायखो अनु
समायआ फेलें थाड,
बेरखां होगोन सानैजों ।
हांमा सुरहाब सुरहाब
थांथियाव रुखु-रुखु दागाबसै
दागो गैयै गौबोयाव
दालेहर बारहुंखा,
आंनि देरासिमबो सोरखिबोगोन
गावम्रागोन दुम दाखाल ।
आंनि आंथिखौं गसंहो
थार गोसोजों
मोखांयाव मिनिखेरो लाबो
जेब्लाबो दंखायो नौंजौंनो ।

मुसि सजिब नाजारी
गामि- काउरादुमनि(द'तमा)
जिल्ला- कक्राझर बि.टि.सि
ला:सो- द'तमा

अनजालि जिउनि

दाया नौं अनजालि जिउनि
आंखौं नागारना;
गोदाव-सोराव, खासि-बिसि,
हांमा, दाहा-दुखुखौं रुजुनना ।
दाथ'गाइ नौं आंखौं दा'नागर
गोसोआव दुखु दा'होलां;
फोथाइ नौं आंखौं अनजालि फोथाइ
गोबोआव दाहा दा-होलां;
नाजावगोन नौंनिफ्राइ आं
सुखु आरो गोदै-राव ।
फोथाइ नौंबो आंखौं गोबोजों
दड आंहाबो नौंखौं अननो हानाइ
हायो आंबो नौंखौं गोजोन होनो
दुखुआव-सुखु, खैफोदआव निदान ।
दाया नौं आंखौं नागारना-
हांमा-दैमा दुखुखौं रुजुनना
दडब्ला बराद मोनगोन नौंबो आंखौं
मोनगोन आंबो नौंखौं;
फोथाइथि गोसोजों नौंबो आंखौं फोथाइ
नांगोन
गोबोजों फोथाइगोन आंखौं नौंखौं ।
लुबैयो नौंनिफ्राय अननाइ मोननो
सौहैया मानोबोला नौंखौं लोगो हमनो
थायो मानो नौं आंखौं नागारना
एरा-एरा, रागा-रागा अनजालि ।
नुयो आं सामफ्रोमबो नौंनि मोखांआव
सानदों नामा नौं आंखौं नौंखौं नागारना
गुबुन सिख्लाजों..... ।
नड नड अनजालि नागारा नौंखौं
थगाइआ अनजालि नौंखौं आं
दागाब अनजालि दा.....गा...ब ।

मुसि थमास बसुमतारि
जनता कलेज सेरफांगुरी
गामि- महेन्द्र पुर
ला:सो:- गडिया (कसुगाव)

बिबार

बेसेदि समाइना
बेसेदि रमाइना
बारफैदोमोन नौं
आंनि दर'खं मोखाडव,
आय'! नौं बिबार ।
मिथिस्लाब मोनै नाथाय
त्रय सिरि लांफिनबाय
अरायनि थाखाय
आय'! नौं समाइना बिबार ।
मानि थाखाय
बारफेयामोन नौं
दान्दिसेनि थाखायल'
मानो सिरि लांफिनखो
आंखौं नेवसिगारनानै
आय'! नौं बिबार ।
इसोरा सोरजिदों नौंखौं
दान्दिसेनि थाखायल'
समाइना महरै
नाथाय नौंनि-
बै समायना महरा सान्नि उनावनो
गोमोर लांफिनबाय,
आय'! नौं समायना बिबार ।

बिखां बर'
गामि- हानसारा
जिल्ला- उदालगुरी

बारदै सिख्ला

मिथिगानि लोगो
बारदै सिख्ला,
जाइलि खोमसि
नौंखौं नायब्ला,
गिथाव बाथाव
महर मोखांआ
फैयो नौं सिनानै
खुगा हां-हां ।
जिउनि आंग्रियाव,
जोबरोडै गाबजों
मा मैया दिन्थियो नौं
अन्नायनि गिरि ।
बेसेबा महरजों गेलेदों
गोमो होयो बावहोयो
नौं माया गिरि ।

मुसि रोमै रोमै बर'
फकिराग्राम
गामि:- थिनकना ।

सुंद' अल'

लि. देव' बसुमतारि

बेलारोम समनि निजोम बुब्बियाव समबारुया गोसोखौं स्रां
खालामनो बेरायग्लानो थंयो जानालि दैसानि सेराव गोसोयाव
बायबुरुस जिगानि गाब समबारुया दानि आरो इयुननि हारिनि
जालानो नागेरनाय माखासे गात्रि आरो मुगैथाव इसाराखौं नुना
सान्दों आरो सान्दों बियो नाथाय जेंना सुप्रांनयनि जेबो बिथांखि
नागिरना मोनाखै हारसिं आला खाला । गोसोनि खोथाखौं
फोरमायनो मालाय सोरनो फोरमायनो गसिबो गावबा गाव बेस्थ'
हारिनि फारसे सान्नांगौ रावहाबो सम गैया । राजखान्थिनि उन उन
खारफना हारिनि जाम्बा-जाम्बिखौं नंखाय सिमां दिन्थिपलाना
भद' बिनानै लानायावबा बुंनोला । बायदि खोथा बायदि जिंजाजों
समबारुया दैसा सेरनि बोरियाव जिरायना लेरमै आगान सुरलांनय
जारौ मारौ सानखौं नायना गोमोहाबबाय थादोंमोन समबारुया ।
- आदा ररसिं मा खालामदों नौं सिरि नो ?
- अ'..... बिनानाव मिनासो माथो बहा थांयामोन जारौ ?
- आं ओरौनो बेरायग्लानो फैदोंमोन आदा बेयावनो नौंखौं नुना
फैबाय आं । माबा जादों नामा आदा माथो सिरि नौं ?
- जायाखै बिनानाव नाथाय माखासे समाजनि खेबले खेबले
जाप्लेबाय थानाय मुगैथाव थासांरिखौं सान्ना जिंजा सिदों आं ।
- नंगो आदो थारैनो थासांरिया जोबोद गात्रि जालांबाय
नडासै आदा न'निफ्रायनो ओंखारनो गिनाय मोनबाय । सोर'आंगो
सोर सुथुर हमनो हाला माथो आदा सानफ्रामबो जिनाहारि सोरबा
गावनि बेसेन गोसा जिउखौं नंखाय जाहोनाव नो फोजोबना लानाय
सोरबा बुथार जानाय ल'सै सोरगिदि ।
- ओ बिनानाव समा थारैनो जोबोद गिखंथाव जाबाय । गोदोनि
समानो थिग मोन गिदिर गोलावफोरनि हामा सोदोबानो बयखौंबो
एसेब्लाबो गात्रि जानायनिफ्राय रैखा खालाममोन नाथाय दा गसिबो
उल्थासो जाजोब्याय उन्दै बैसोयाव हाबा जानाय गान्जा, ड्रगस,
जौ लौंनयफोरा थारैनो मानि इसारा बेफोर जोबस्रांनयनि नडब्ला ।
- ओ आदा दानि गथ'फोरखौं बादो होनो थांयोब्ला नौंनि
जादों लौंदों नामासो होनो बिमा-बिफा गिदिर-गोलावफोरखौं
सनमान होनो रौला ।
- नौं माब्लाबा सान्दों ना जारौ जौनि बर' सिख्लाफोरा मानि
थाखाय खेबले खेबले जिनाहारिनि बोलि जानांदों ? बर' समाजव
दिनै मानि जाहोनाव जलि जाखानाय हौवा- हिन्जावफोरा गोदान
हौवा एबा हिन्जावनि हाबिलायाव गावखौं बावगारना गोदान
लामा लादों मानो ? दिनै सरकाराबो बेखौं हेंथा होनायाव फेलें
जादों बेखौं अब्लाबो जौं होवथानो हागोन जेब्ला नौं आं बयबो
गावनि सान्नायखौं सोलायगोन ।
- आदा आं सानो बेफोरनि आन्दोयाव माबा मोनसे गुमु
हाबना दं जानांगौ ?
- दं बिनानाव गोबां जाहोन दं दिनै नौं एसे सान्ना नाय जौनि

गोरोन्थिया सोरनि

हारिनि सुबुंया एसे रौब्ला-राब्ला साखि मोनोब्लानो थावन-सहराव
थाहैयो गावनि गामिनि आइ-आफा बिदा-फंबायफोरखौं गारना ।
गामियाव थानाय सुबुंफोरा गोनोखो मुगायाव मबे सैथो मबे नंखाय
हमनो हाया जायो गोजौ सोलेंथाय गैयैनि आंखालाव गामियाव
रायजो जानाय बांसिन सुबुंयानो सादा सिदा बेसोरनि सान्नाय-
हनायफोरा थों गोथों सोरबा मोजां मोजां खोथा बुंनो बुरखायब्लाबो
उल्थां फाल्थां सान्दो रौथा नंगौ सान्ना लायो । बुंन्याय गोरोन्थि
बुंन्ब्लाबो । आरो दाथ' गामियाव राजखान्थिनि बारहावया गामिखौं
जोबोरौनो गात्रि खालामबाय नानि ।
- ओ आदा.... ?
- दिनै बेफोरखौं नोजेर होना माखासे खबु फलानफोरा
खैसार सादों बिमा- बिफा, बिदा-फंबायनि सायावनो सुथुर साजायना
गावजों गाव हेंथा हेंसि सोमजि होदों ।
- ओ आदा आंबो सानो जौनि समाजनि गोरों गोरा फोरा
थारैनो जुदि गामिनि जाम्बा-जाम्बि आइ-आफाफोरखौं लाना मोजां
आरो सैथो खोथाखौं बुंफुना होयोब्ला रायथिना होयोब्ला एसेब्लाबो
फिथाइ थायगौ होन्ना आं सान्दो आदा । लोगोसे गामिनि माखासे
गामि दैदेनगिरि दिथागिरि फोरखौं लाना गामिनि नेम नीथि गामि
खुंनयाव बाहायनाय माखासे आयन खानुनफोरखौं सोदांनो होयोब्ला
एसेब्लाबो मोजां जागौ होन्ना आं सान्दो आदा ।
- नंगौ बिनानाव दा बेफोरखौं मावनांगौया नौं आरो आंनिनो
बिबानसै बेयाव जौं रावखौंबो लामा नायना जेबो मुलाम्फा गैला ।
- ओ आदा गोजामखौं सुद्रायफिन्नांगौनि सम फैबाय । आदा
साना बेलासिबाय न'याव थानोसै थौ ।
- नौं थौग्रोदो बिनानाव आं दसे उनाव थांसिगोन
- दे आदा नौंहा थाथ'दो बिदिब्ला
समबारुया मिना थानायथिं दसे जौं नायहरना सान्नायनि गोथौ
लैथोयाव गोदोहाबफिन्ना । थारैनो जुदि बर' सिख्लाफोरा मिनानि
बादि बुजिनाय दंमोनब्ला सानफ्रामबो बेफोर बादि नंखाय खैसाराव
गोर्लैना गले गले जिनाहारिनि बोलि जानांनय नडमोन । मिनाया
गावनि गामिनिनो सासे आरिमु जालिया फास सान्दो हनो गोरों
सिख्ला जेरावबो अखा-फाखा होन्ना मिथिगौ समबारुया बेखायनो
असे बिनानाव बादि जोबोद अनो बियो ।
समबारुनि जिंजाया थारैनो दुखुनांथाव आरो सानजाथाव थारैनो
दिनै बर'फोर एसे लेखा रौब्लाथाइ थाउन सहर होसोयो गामियाव
थानो बायो साखि मावग्रा जायफोर गियानि गुनि बेसोरखौंथ
बुंनोला गामि फारसे मोखां फिदिंनो लोजिनाय मोनो जायनि
जाहोनाव दिनै गोनोखो मुगानि बार नानायाव गामियांरिनि सादा
बुसा समाज खुंन्याफोरा आन्दयनो गोनां जादों मबे सैथो मबे
नंखाय देबोर नांनो गोनां जादों । नंगौ दिनै गामिफोराव गोखों
बिथांखि लानांगौ सम फैबाय उन्दै बैसोयाव हाबा होनाय फोरखौं
होबथानायनि गोखों लामा लानांगौ नडब्ला फिसा, फिसाय-
बिसि गारना खारनाय जेंनाया जोबनाय नड जौनि समाजव उन्दै
उन्दैफोरखौं लाफाना जौं जुवा गान्जा द्रगस बाहायनायफोरखौं
गामियैनो हमना साजा होनांगौ गोनां जायोब्ला पुलिसनि राहा

लानांगौ । गामिनि आरो बर' समाजनि माखासे गोजाम नेम
निथिफोरखौं गोखोंसिन खालामनांगौनि सम फैबाय नाथाय दिनै
गामियायराय रायजो जानाय सुबुंफोरनो दिथागिरि गैया जायनि
जाहोनाव गोबां जेंना जेंसिन मोगा मोगि । लोगोसे दानि गोनोखो
मुगायाव सुबुंफोरखौं गात्रि जानायथिं लानायाव बांसिन गोहोम
गोर्लैदों मबाइल आरो इन्टरनेटआ बेराफारसैथिं सरकारा थाला
बन्द फोसावबाय अनलाइन क्लासनि थाखाय दाना बयनोबो
मबाइल नांथारगौ जाबाय । क्लास लाखांनो मोजां आव बाहायदों
ना गात्रियाव बाहायदों जेनिबो उदिस लानो रौला बिमा बिफा
दिथागिरिफोरा जायनि जाहोनाव जाखांफुंनय लायमोन फोरा
गात्रिखौं बजबना लाबाय सानफा एफा । उन्दै बैसोयाव हाबा
जानायाव मबाइलाबो गोखों बाहागो लादों गोनोखो मुगायाव ।
बेफोरखौं होबथानोब्ला दिनै गाव गावनो गोखों जानांसिगोन
गोसोखौं बिरबायनाय बार बादि हगारसरोब्ला जौं गावनि आंथियाव
गावनो रुवाजों दाना लानाय जागोन ।
दिनै सोरांस्ताबमोनै आराव जेरावबो साखाथि देसायाव सासे
बर' सिख्लानि गोथै सह' मोन्दों । सोरगिदिं दावराव ओन्सोलाव
दुं दुं हाव हाव गिलुं गिलुं थासांरि । गोथैखौं बर' सिख्लानि
होन्ना सिनायथि मोन्दों गोथैया गोमो गाबनि दखोना जौं
फानफ्रवनायमोन । दा पुलिसफोर फेब्लासो सोर बहानि सिनायनो
हांसिगोन गोथैखौं । दान्दिसे उनाव पुलिसा सफेना गोथैखौं
बोखौंब्ला बयबो सोमो नांयो गोथैया रावनिबो नड मिनासि
जाय मिनाखो समबारुया बिनानाव असे बादि अनोमोन । नाथाय
बोरै बिदि जाखो मिनाया हरखाब बयनिबो मोखांयाव जिंजा
दुखु आरो सौलु । पुलिसफ्रा मिनानि गोथै सोलेरखौं लाना थांबाय
गोथैजों लोगोसे मिनानि मबाइलखौंबो मोन्ना लाना थांयो ।
अखानायै मिना थैनायनि जाहोना सोरांयाव फैयो बयबो खोनाना
आस'रिद फोथायनो गोब्राव मोन्दों ओन्सोलनि सुबुंफोरा बयबो
मिथिगौमोन मिनानि गुर्दै माहि बयजोंबो गोरोबना थानो मोजां
मोनग्रा समाजनि खामानि मावनो मोजां मोनग्रा सासे सिख्ला
होन्ना नाथाय दिनै मा खोनाखो अब्ला मिनानि गोसोयाव हारिनि
इयुननि सान्नाय रायलायनायफोरा खुगायावल' मोन नामा ? सान्दो
गोनां जादों बयबो ?
मिनाया गोबाव समनिफ्रायनो सासे मुस्लिम सेंगानि अन्नायनि
लैथोयाव गावखौं बावगोमाना दंमोन लोगो हमनाय रायज्जालयनाय
बहाबा स्रोद बेरायहैनाय गोबां खेब जाबाय नो पुलिसनि सुलुंनिफ्राय
खोनानो मोन्दों ।
बिदिब्ला मिनायाबो गोरों गोरा सान्दो हनो गोरों जाना
सोरांयावनो खानि जादोंमोन नामा ? बिदिब्ला मिनायाबो गुबुनफोर
बादि नंखाय अन्नायनि फाखनाव गोर्लैना गावखौं जिनाहारिनि
बोलि जाहोबाय नामा ? बयनिबो गोसोयाव सौलु । माब्ला पस्ट
मरथेननि रिफद मोनो नेदों बयबो जाहोना थारैनो मामोन मिथिनो ?
बयनिबो गोसोयाव दा मोनसेल' सौलु थारैनो गोरोन्थिया
सोरनि.... ? मिनानि.... ? ना गोखों गोथै समाजनि.... ? ना सोरनि
नेनानै थाबाय बयबो मोनसे समखौं आथुरै ।

(🗨️ 1 बिलाड़िनफ्राय)

(🗨️ 1 बिलाड़िनफ्राय)

(🗨️ 1 बिलाड़िनफ्राय)

बारग' मन्थि रकिबुल हुसेइनआ श्रिरामपुरआव दावबायहैदों

हुसेइनिनुजाथिनायाव खुंफुनाय मेलाव फैगौ समाव खुंफुनो गोनां बिसायख'थिखौ लानानै सावरायलायनाय जायो। मख'नो गोनांदि 28 नं गसाइगाव बिधान सभा बियाबनि एम एल ए माजेन्द्र नार्जारीया थानाय बावैसो सान सिगां रुंसारि जालांदोंमोन। बेनिखायनो एण एल एनि रुंसारि जालांनायाव लांदं जानानै थानाय बियाबाव फैगौ समाव बिसायख'थि खुंफुनाय जागोन। बे बिथिडव बियाबनि बिसायख'थियाव कंग्रेस दोलोआ माबायदिद राजखान्थियारि सोलो बाहायगोन बेनि सोमोन्दै सावरायलायो। खौरंगिरिफोरजों मोगा-मोगि लानाय समाव बारग' मन्थिया बि जे पि सरकारखौ गोखों रावजों निन्दा खालामो। बिथाड बुंबावोदि बि जे पि दोलोआ माइक्र फाइनेन्सनि गासैबो ल'नफोरखौ रेहाय होगोन होन्नानै फोसावदोंमोनब्लाबो आथिखाल गुबुन-गुबुन रोखोमनि गोदान-गोदान नेम-खान्थि फोसावदों होन्नानै बिथाड बुजे।

फैगौ 15 आगस्टनि गेजेराव राइज्योनि साफ्रोमबो सुबुंफोरा भेक्विन मोन्नो हागोन

फैदों। थानाय समबारखालि राइज्यो नाडै करना सन्देरनायनि हार 1.64 सिमल' जादों। लोगोसे मंगलबारखालि 1,70,856 सुबुंफोरखौ कभिड टेस्ट खालामनाय जादों। बेनि गेजेराव 2,805 सुबुंफोरनि देहायाव कभिड सन्देरनायनि सिनायथिनो हादों। बेनि गेजेरजों रोखा जादोंदि, थानाय सान्नेिनफ्राय राइज्यो नाडै करना सन्देरनायनि हारआ 2 जौखोन्दोनि गाहायाव फैनायजों लोगोसे पजिटिभ मोन्नो हानाय सुबुंनि अन्जिमायाबो 3 रोजानि गाहायाव फैदों। बेराफारसे मंगलबारखालि करना सन्देरनायनि हार 1.88 जौखोन्दो जादोंब्लाबो पजिटिभ सिनायथिनो हादों 2,869 सुबुंफोरखौ। मख'नाय जायोदि, थानाय 5 एप्रिलनिफ्रायनो राइज्योयाव करना सन्देरनाया गिखंथाव महर लाबोदोंमोन। थानाय 80 सानसिमाव सानफ्रोमबो 3 रोजानि बांसिन सुबुंफोरखौ पजिटिभ मोन्नो हानायजों लोगोसे करना सन्देरनायनि हारआ 3 जौखोन्दोनि गोजौयाव दडमोन। करना सन्देरनाय अन्जिमाया बाडइ जाबोनायजों लोगोसे थानाय सानखालिनफ्राय बेनि हारआ 2 जौखोन्दोनि गाहायाव दावखलायदों। एरैहाय गेदेरथार टिका होनाय हाबाफारिनि गिबि सान्नेिन गेजेरावनो राइज्यो नाडै कभिड भेक्विन होनायनि गेदेर जाफुंसारनायखौ नुनो मोन्दें। थानाय सानखालिनफ्राय जागायनाय बे गेदेरथार भेक्विन होनाय हाबाफारिनि गिबि सानखालि थांखि लानाय बायदिदै सानसेनि गेजेरावनो 3,71080 सुबुंफोरखौ भेक्विन होनाय जादों। बे आयदानि बागै गिबि मन्थि ड० हिमन्त बिश्व शर्मांआ रोखायै फोरमायथिनानै होदोंदि, फैगौ 15 आगस्टनि गेजेराव राइज्योनि साफ्रोमबो सुबुंफोरानो गिबि डरजनि भेक्विनखौ मोन्नो हागोन। थानाय सानखालिनफ्राय जागायनाय बे भेक्विन होनाय हाबाफारिया थोजासे जाफुंसारनायखौ नुनो मोन्दें। गिबि मन्थिआ बुंदेंदि, जौनि थांखिया सानफ्रोमबो 2 लाख 50 रोजा सुबुंफोरखौ भेक्विन होनायनि थांखि लादोंमोनब्लाबो गिबि सानखालिनो 3 लाखनि बांसिन सुबुंफोरखौ भेक्विन होनायनि उनाव दिनेनि दिनाव बे थांखिखौ जाफुंसार जाहैनो हागोनखौ मिजिंथिनो हायो। जेल्सासिम राइज्योयाव थोजासे भेक्विन थागोन अब्लासिम बे भेक्विन होनाय हाबाफारिया सोलिबाय थागोन। बेराफारसे गोदानै करना सन्देरनायनि हारआ बाडइ जाबोनाय हिसाबै कभिडनि नेमखान्थिफोरखौ सोलाय-सोल' एबा रेजें खालामनायनि सायाव गोबाडनो सौंथि खालामबाय थानायनि बागै गिबि मन्थिआ बुजेदि, कभिड प्रटकलनि गोदान फोसावथायखौ फैगौ बुधवारनिफ्राय जागायनो गोनां राइज्यो केबिनेट जथुमाव सावरायनायनि गेजेरजों थांखि लानाय जागोन होन्नानै गिबि मन्थिआ फोरमायो।

सुबुं आफादनि बुंथिगिरिया आसाम आयेन आफादनि बुंथिगिरि बिश्वजित दैमारिखौ बाख्नायदों

जाया फारगथि सोमजिहोनो नागिरनाय थादेरसाफोरखौ मोनसे आयेन खान्थिनि गेजेरजों सामलायनायनि थाखाय गावनि हास्थायनायखौ बुंथियो। लोगोसे बिथाड फिसा-फिसा हान्जा थामहिन्बा हान्जा गैयै उदां सोद्रोमाफोर संसदयारि रहायाव जाहाथे सांग्रां बिफाव लानायजों लोगोसे गोखोडै आयदाफोरखौ देखानो हायो बेनि थाखाय आलादायै थिखानाय समनि अनगायैबो गोबांसिन सप होंगोंगौनि थाखाय गावनि हास्थायनायखौ फोरमायथियो। सुबुं आफादनि बुंथिगिरि सामलाय नाय जथुमाव हादतनि गासैबो हादाबसानि आयेन आफाद थामहिन्बा आयेन गौथुमनि बुंथिगिरि आरो मासिगिरिफोर बाहागो लादोंमोन।

बि टि सिनि आबाद बिफानआ आबादारिफोरनो पावार टिलार रन्दों

टिलारखौ रान्नाहै होनाय जायो। हाबाफारियाव गाहाय आलासि महरै बाहागो लानानै बि टि सिनि आबाद बिफाननि मावफुं सोद्रोमा गनस्याम दासआ गावनि आखायजों कक्राझरनि सा 8 आबादारि मुलाम्फारिफोरनो पावार टिलारखौ गथायनानै हायो। मख'नाय जायोदि, बि टि सि आबाद बिफानआ 2020-21 बोसोरनि एस अ पि डि बिथांखिनि आवथायाव बि टि आरनि दरबै जिल्लायवाव गासै गं 104 पावार टिलारखौ 50 जौखोन्दो रेहाय हिसाबै आबादारिफोरनो होनाय जागोन। बेनिनो कक्राझर जिल्लायवाव गं 37, चिरां जिल्लायवाव गं 15, बाक्सा जिल्लायवाव गं 37 आरो उदालगुरियाव गं 15 पावार टिलारखौ आबादारिफोरनो होनाय जागोन। बुब्बियाववनो आबादारिफोरनो पावार टिलार गथायखानायनि उनाव बि टि सिनि आबाद बिफाननि मावफुं सोद्रोमा गनस्याम दासआ फैबाय थानाय समफोरव बि टि आर हालामाव आबाद सेक्टरखौ जौगाखांहोनायनि थाखाय आबादारिफोरनो गोनांथि जानाय बायदिदै आवुं हेफाजाब होनो खोथा हायो। बेबायदिनो जौलै बेगर, ट्रेक्टर हासार आरो गुबुन गोनां मुबा-बेसादफोरखौ बि टि सिनि आबाद बिफानआ जगायनानै होबोदों आरो फैबाय थानाय समाव जाहाथे आबादारिफोर बिफाननिफ्राय होनाय ट्रेक्टर आरो पावार टिलारफोरखौ आबाद मावनाय खामानियावल' बांसिन बाहायो बेनि थाखाय आबादारिफोरखौ खावलायो।

करना भेक्विन लायाब्ला नोंथाड दान-बान्था मोन्नायनिफ्राय जानगाराव थानांनो हागौ

साफ्रोमबो सरकारि मावफारियाफोरा भेक्विन थुजादों ना थुजायाखै बेनि सायाव रोखा फोरमायथि दिहुनो एबा नायसंनो थाखाय गासै बिफाननि गाहाय बिफानारिफोरखौ बिथोन होदों। आसाम स्टेट डिजेस्टर मेनेजमेन्टआ बुधवार बेलासि समाव फोसावनाय मोनसे नटिफिकेसनआव मख'देंदि, आसाम सरकारनि देहा बिफानआ राइज्यो नाडै लानो हाथाव एबा गनायजाथाव बैसो जानाय सुबुंफोरनि थाखाय कभिड भेक्विन होनायनि गेदेर हाबाफारि जागायदोंब्लाबो पिक्सपे मावफारियाफोरखौ लाफानानै गोबां सरकारि मावफारियाफोरानो कभिड भेक्विन लायाखै आरो बिसोरो COWIN पर्टेलआव रेजिस्ट्रेशन खालामाखै। भेक्विन लायै बिसोरि बायदिद सरकारि मावफारियाफोर सरासनस्त्रा सुबुंफोरनि गेजेराव करना भाइराय गोसारहोनायनि मिजिं थायो। बेनिखायनो डिजिस्टर मेनेजमेन्ट एक्ट, 2005 नि सेक्शन 22 (2) (बि) आरो (जे)नि आवथायाव स्टेट डिजिस्टर मेनेजमेन्ट अट'रिटिनि राइज्योयारि मावफुं आफादआ सरकारि मावफारियाफोरनि भेक्विन लानाय लायैनि रोखा फोरमायथि दिहुनो थाखाय गासै बिफाननि गाहाय बिफानारिफोरखौ बिथोन होनाय जादों।

बारग' मन्थि रकिबुल हुसेइनआ रुंसारि एम एल ए माजेन्द्र नाजारीनि नखर'आव खौरां लाफैदों

गवालपारा बियाबनि एम एल ए आबुल कालाम रसिद आलम, दुधनै बियाबनि एम एल ए जादब रव्नीयारि, कंग्रेसनि बडइगाव जिल्ला आफादनि आफादगिरि संकर प्रसाद राय मोनहाबो दफ्तरयोमोन।

आसामनि मोन 5 बिधान सभा बियाबयाव उफ्रा बिसायख'थि खुंजागोन

माखासे एम एल एफोर बि जे पिआव हाबसिगोन होन्नानै आसामनि राजखान्थि महलाव गोबां सावरायलायनायखौ नुनो मोन्दें। बे बाश्राखौ लानानै सावरायनाया गोखोडै सोलिगासिनो थानाय समनि गेजेरावनो दिनें बरपेट बियाबनि एम एल ए आरो राइज्यो बि जे पिनि आफादगिरि एबा मन्थि रन्जित कुमार दासआ फैगौ 6 दाननि गेजेराव आसामआव मोन 5 बिधान सभा बियाबआव उफ्रा बिसायख'थि खुंजागोन होन्नानै बिबुंथि लाखिना राइज्योनि राजखान्थि महलाव बांसिनै सोमावरतुंनय थासारि सोमजिहोदों। मन्थि रन्जित कुमार दासनि बायदिद्ला फैगौ 6 दाननि गेजेराव तामुलपुर, गसाइगाव, मरियनि बियाबजों लोगोसे आसामनि गुबुन मोन्नै बिधान सभानि बियाबआव उफ्रा बिसायख'थिया खुंजागोन। मख'नाय जायोदि, तामुलपुर बियाबनि एम एल ए लेहयम बर', गसाइगाव बियाबनि एम एल ए माजेन्द्र नार्जारिनि रुंसारि जानाय आरो मरियनि बियाबनि एम एल एरुफन्थिद कुर्मिआ एम एल ए बिबान नागरानानै बि जे पिआव हाबनायनि जाहोनाव बे मोनथाम बियाबनि उफ्रा बिसायख'थि खुंजागोनो रोखासै। नाथाय राइज्यो बि जे पिनि आफादगिरि रन्जित कुमार दासआ मोन 5 बियाबआव उफ्रा बिसायख'थिया खुंजागोन होन्नानै बिबुंथि लाखिनायाव कंग्रेसनि एम एल एफोर आरोबाव बि जे पिआव हाबनो हाबावगौनि इसार होनायखौ नुनो मोनबावदों। मन्थि रन्जित दासआ रोखायै बुंथियाखेब्लाबो बिथानि बिबुंथि लाखिनायानो कंग्रेसनि गुबुन एम एल एफोर बि जे पिआव हाबफैबावगोननि इसार होदों। मानोनो रुफन्थिद कुर्मिआ कंग्रेस नागरानायनि उनावनो राइज्यो बि जे पि आफादगिरि रन्जित दासआ कंग्रेसनि माखासे एम एल एफोरजों बि जे पिआव हाबनायनि बागै जगाजग खालामागसिनो थानाय आयदाखौ खौरां बिजौनि गेजेरजों फोरमायथिनयजों लोगोसे बरक सेरफानि गुबुन सासेबाव कंग्रेस एम एल एआ बि जे पिआव हाबनायनि बागै सावरायनाया सोलिगासिनो दं होन्नानै फोरमायथिदों। बेराफारसे बारग' गिबि मन्थि सर्बानन्द सनवालआ मिरु केबिनेटआव थिसन जायोब्ला माजुलि बिधान सभा बियाबनि मासियाबो लांदं जानानै थागोन। बे हिसाबै राइज्योनि मोनब्रै बियाबआव उफ्रा बिसायख'थि खुंजागोनखौबो रोखा नुहरो। नाथाय रन्जित दासनि बिबुंथि होनाय बायदिदै राइज्योनि मोन 5 बियाबआव बिसायख'थि खुंजागोंगोब्ला फिन गुबुन मोनसेबाव बियाबनि मासिया लांदं जानांगोन।

सिमान्त सेतना मन्च'आ कभिडजों भुगिनांनय सुबुंफोरनि गेजेराव आयुस-64 मुलि रान्दों

सारिआलियाव थानाय कमल नाथ कलाब काम लाइब्रेरिनि लांगोनायाव सिमान्त सेतना मन्चनि गसाइगाव नोगोर कमिटिनि बान्जानयाव खुंफुनाय हाबाफारिखौ मन्चनि गसाइगाव नोगोर कमिटिनि आफादगिरि कृष्णा ब्रह्मनि सामब्लायनायाव खुंफुलाडे। हाबाफारियाव गसाइगाव मिउनिस्पिटल बिफाननि बिबानगिरि प्रफुल्ल इस्तारीया बाहागो लानानै सिमान्त सेतना मन्चनि बे हाबाफारि लानायखौ बाख्नायनानै बुडेदि कभिड महामारिया सुबुंफोरनि जिउखौ सिलिंखार खालामदों। गासैबो बिथिडव राइजो-राजाफोरा जेनाफोरजों मोगा-मोगि जानांनय समावनो सिमान्त सेतना मन्चआ राइजो-राजाफोरनि सार्थआव सिगांबोनानै बेरामनि होबथाया मुलिखौ रान्नाहै होनाया जोबोरैनो बाख्नायजाथाव होन्नानै बुजे। बे हाबाफारियाव देहा फाहामगिरि मलय देवआ नुजाथिनानै गासैनिबो सुबुंफोरखौ थुलुंगाखां हायो। आफादगिरि कृष्णा ब्रह्मआ बुडेदि सिमान्त सेतना मन्चआ जेबयबो राइजो-राजाफोरनि सार्थआव खामानि मावबोदों आरो फैगौ समावबो मावलांबाय थागोन। मेलाव कभिडजों भुगिनांनानै फाहामथाय लाखानाय गसाइगाव महकुमानि गासै सा 28 सो सुबुंफोरनि गेजेराव आयुस-64 मुलिखौ रान्नाहै हायो। हाबाफारियाव सिमान्त सेतना मन्चनि गसाइगाव नोगोर कमिटिनि गाहाय नेहाथारि बिष्णु पालजों लोगोसे माखासे मावथि सोद्रोमा आरो राइजो-राजाफोरबो बाहागो लादोंमोन। मख'नो गोनांदि बे हाबाफारिनि गेजेरजोंनो कभिड जोहोलाव महरै माखासे खौरंगिरिफोरखौबो मान बाउनाय जायो।

बाक्सानि भारत-भुटान ओन्सोलाव सुबुं लांखारनाय जाथाय

सिमा ओन्सोलाव थानाय मंगलबारखालि लांखारजानो नागिरनाय सा 7 सुबुंफोरखौ उदां खालामनायजों लोगोसे सुबुं लांखारया सा 5 दायनिगिरिफोरखौ पुलिसआ खानो हादों। सुबुं लांखारनो नाजानायनि बागै मोनसे स्नोद सुलुंखौ बिथा खालामनानै कुमारिखाता पुलिसआ भारत-भुटान सिमा ओन्सोलाव मोनसे नायबिजिनया हाबाफारि बान्जानो। बे नायबिजिनयनि गेजेरजों पुलिसआ सुबुं लांखारया एजेन्टफोरखौ खानो मोन्नायजों लोगोसे गोबां आइजोफोरखौ उदां खालामनो हायो। कुमारिखाता पुलिसनि मोनसे हान्जाया बाक्सा जिल्लानि तामुलपुर महकुमानि सिडव थानाय भारत-भुटान सिमा ओन्सोलावनिफ्राय गुजरतसिम लांखारनो नाजानाय सा 7 आइजो आरो बैसोजानाय सुबुंफोरखौ गंसे बास गारिनिफ्राय उदां खालामदों। पुलिसआ जि एस-14 भि-7111 नम्बरनि गंसे बास गारिजों लोगोसे बासनि झइभर, बिनि बिंसि आरो आइजोफोरखौ उदां खालामो। पुलिसआ मिथिहोनाय बायदिद्ला बिसोर आइजोफोर गावबा-गार्वनि नख'थव मिथिहोयालासे खामानि मावहैनो थाखाय गुजरतसिम थानो ऑंखारदोंमोन। एरैहाय बिसोर आइजोफोरखौ लांनो थाखाय गुजरतनिफ्राय गंसे बास गारिआ आसामसिम फैदोंमोन। बिसोर आइजोफोरखौ गुजरतनि रमेश्वरि मुनि मोनसे ना फेक्टरियाव खामानि होनो होन्नानै लांनो नाजादोंमोन। जाथायनि सायाव तामुलपुर पुलिस थानायाव मोनसे केस थिसनबाय।

दुलाराइ सान्तालि आरो दुलाराइ आदिबासि फरायसा आफादखौ लानानै एम सि एल ए उडल्सन हासदाआ मेल जथुमदों

रायमना ओन्सोलनि गोबां गामिनि थागिबि सुबुंफोरा गोजोन्नाय गैयै जानायखौ नुनो मोन्दें। बावैसो सिगां रायमना नेसनेल पार्कखौ आसामनि हाया बिफाननि मन्थिआ बेखेवना होफेनायनि उनाव जायगानि ट्राइबेल हारिनि सुबुंफोरनि गेजेराव बेले-बेजे सान्नाय सोमजिहोदों। सिगांनि बि टि सि आरो आसाम सरकारा जायगानि गोरलैसोनाय हारिसाफोरनि जौगानायनि थाखाय जेबो खामानि मावनो सिगांबोयाखेमोन होन्नानै अजद होदों कचुगाव हालामनि माखासे हारिसाफोरनि आफाद गौथुमफोरा। बे आयदाखौनो लानानै थानाय सानखालि जायगानि राइजो-राजा आरो आफादफोरखौ लानानै मोनसे गुवारै सावरायलायनाया जानानै थादों। आदिबासि हारिनिफ्राय बि टि आरनि थिसनजानाय एम सि एल ए उडल्सन हासदाआ आदिबासि फरायसा आफादनि दैदेनगिरिफोर आरो कचुगाव हालामनि मोन 7 गामिनि गावबुरा लोगोसे माखासे दैदेनगिरि आरो राइजो-राजाफोरखौ लानानै गावसिनि थामोन्था, रैखाथि आरो हारि जौगाखांहोनायनि सायाव गुवारै सावरायलायनाय जादों। दुलाराइ आसाम सावताल आफादनि गाहाय नेहाथारि रिमन सरेनआ बे सावराय मेलयाव बाहागो लानानै बुडेदि, थानाय 1996 माइथायाव बर' आरो आदिबासिनि गेजेराव हारियारि दाडाबाजि जानायनि जाहोनाव आदिबासि हारिनि गोबां सुबुंफोरा जिउ गोमानायजों लोगोसे न' बां धोन दौलदफोरा ख'हा जानांदों। लोगोसे बै समाव सोमजिनया दाडा बाजिनि जाहोनाव गोबां आदिबासि सुबुंफोरा बावैसो सिगां माहारियारि पार्क महरै फोसावजानाय रायमना हाया ओन्सोलाव गोबाव समनिफ्रायनो राइज्यो जाबोदों। बे समाव सरकारा रायमनाखौ नेसनेल पार्क महरै फोसावनाय हिसाबै बे ओन्सोलाव गोबाव समनिफ्राय राइज्यो जाबोनाय सुबुंफोरखौ होखारस्त्रानायनि राहा लानो हागौ। जुदि सरकारा गमामायैनो होखारस्त्रानायनि राहा लायोब्ला बे ओन्सोलनि थागिबि सुबुंफोरनि थाखाय मोनसे गेदेर खैफोद जागोन। जुदि सरकारा होखारस्त्रानायनि राहा लायोब्लाबो दाडाबाजियाव न' बां आरो जायगा नागरानानै थाफेनांनय आदिबासि सुबुंफोरखौ फिन गावबा-गाव गामियाव दोनहैनायनि राहा लानांगोन होन्नानै बुंथियो। लोगोसे आसामनि थागिबि आदिबासि हारिनि सुबुंफोरखौ रैखाथि थामोन्था, सिनायथि आरो जौगाखांहोनायनि थाखाय हेफाजाब होनो आरो राहा लानो आसाम सरकारजों लोगोसे बि टि आर सरकारखौ खावलायो दुलाराइ आसाम आदिबासि फरायसा आफादआ।

कक्राझर नोगोर आफादनि बान्जानयायाव साखोन-सिखोन हाबाफारि खुदों

मैला-मैथा आरो जाबोर-जाथोरफोरखौ सिबस्त्रानानै साखोन-सिखोन खालामो। बुब्बियावनो के एम बिनि मासिगिरि प्रतिभा ब्रह्मआ खौरंगिरिनि सिगाडाव फोरमायोदि, सोलिफु बि टि आर सरकारा कक्राझरखौ गोजोननि नोगोर महरै फोसावनाय हिसाबै बे नोगोरखौ मैला गैयै साखोन-सिखोन आरो गोग्गो आबहावा थासारि लाखिनो थाखाय कक्राझर नोगोर आफादआ खामानि मावगासिनो दं सिगां समफोरव खुंथानयि लेहेम खामानि मावनाय आरो गोनांथि होयैनि जाहोनाव कक्राझर सहरा जेरैबायदि साखोन-सिखोन आरो जौगाखां महर लानांगौमोन बेबायदि जायाखै। नाथाय सोलिफु बि टि आर सरकारा कक्राझरखौ जौगाखांहोनायनि नोजेरजों हाबाफारि जागायदों। कक्राझर नोगोरखौ मोनसे साखोन-सिखोन आरो गोग्गो आबहावा लाखिनायनि बेलायाव नोगोरनि साफ्रोमबो थागिबि सुबुंफोरा सांग्रां जानांगोन आरो खुंथायखौ हेफाजाब होनांगोन होन्नानै नोगोर आफादनि मासिगिरि प्रतिभा ब्रह्मआ खावलायो।

बर' लाइमोनफोरखौ साखियाव थिसन्यायनि थाखाय 27 थि एस एस बि सान्थि हान्जाया फोरेंथाय होनाय हाबाफारि बान्जानयदों

फोरेंथाय होनायनि हाबाफारि जागायनायखौ नुनो मोन्दें। बेनिनो बाहागो महरै 27 थि एस एस बि हान्जायाबो जायगानि बर' लाइमोनफोरखौ एस एस बि हान्जायाव थिसन्थाय होनो थाखाय थुलुंगा होनायनि असिलायै दासान्दि राइज्योनि दाब-दाब जायगाफोरव सिगांग्रो फोरेंथाय होनायनि हाबाफारिखौ जागायदों। बेनिनो बाहागो महरै 27 थि एस एस बि हान्जाया बाक्सा जिल्लानि लोक्षी बाजारव दिनें 23 जुनिफ्राय जागायनानै फैगौ 28 जुनसिम 6 साननि हाबाफारिजों बर' लाइमोनफोरखौ सिगांग्रो फोरेंथाय होनाय हाबाफारिखौ जागायदों। बे फोरेंथाय होनाय हाबाफारियाव ओन्सोलनि गोबां रोजा लाइमोन सेंग्रा-सिखलाफोय बाहागो लादों। 27 थि एस एस बिनि कामान्डेन्ट अबिशोक आनान्दआ बे हाबाफारियाव बाहागो लानाय गोबां बर' लाइमोनफोरखौ बरायनायजों लोगोसे एस एस बि हान्जायाव थिसन्यायनि थाखाय गोनां जानाय रेंगैथि आरो फारि खाथिफोरखौ लाइमोनफोरनो रोखा-रोखायै फोरमायथिनानै हायो। बिथाड फोरमायनाय बायदिद्ला जरखायै बर' लाइमोनफोरखौ थिसन्थाय होनायनि थाखाय थाबैनो थिसन्थाय फोसावथि बिलाइ फोसावनाय जागोन।

टकिय अलिम्पिकआव भारतनि गोहो: टेबोल टेनिसआव मनिका बत्रानिफ्राय मेडेल देरहानो हागोननि हादतनिफ्राय आसा

गोदान दिल्ली, 23 जुन: लाइमोनफोरनि थाखाय रल मेडेल लानो हायो। बिथाड सिंगेल्स आरो बुमन टीम इबेन्टआव गल्ड मेडेल देरहानो हानायजों लोगोसे आइजो डबल्सनि बादायलायवबो सिलभार मेडेल देरहानो हादों। डबल इबेन्टआवबो बिथाड मेडेल देरहानो हादों। बे खेबाव लागोन। भारतनिफ्राय बादायनायाव मोजाडे दिन्थिफुहैनो हागोननि आसानि फारियाव टेबोल टेनिस स्टार मनिाक बत्रानि मुडाबो दड। बिथांखौ लाफानानै भारतनिफ्राय गासै सार्रै टेबोल टेनिस गिबि खेबै अलिम्पिकनि थाखाय क्वालिफाइ जानो हाबाय। गोखों गेलेगिरि मनिाकनिफ्राय सिंगेल्सनि अनगायैबो डबलआव आचान्त शरत कमलजों लोगोसेयाव मेडेल देरहानो हागोननि आसा खालामदों। मनिाकाया 2018 नि गल्ड कस्ट कमानवेल्ड गेम्सआव हादतनि जाना गंभ्रै मेडेल देरहानो हानायजों टेबोल टेनिलनि फोथराव गोदान स्टार महरै जाखांबोनो हायो आरो

देरहानो हानाय गोहोखौ सिनायथि होनाय। बिथाड बुंदों अलिम्पिकआव गल्ड मेडेल देरहानाया गासै गेलेगिरिफोरनिनो सुजुनाय सिमां। आं अलिम्पिकआव मेडेल देरहानानै मुलुगनि सान्नायखौ सोलायनो सानो। आं फोरमान होनो सानोदि,



मनिाकाया नैथि खेब महरै अलिम्पिकआव हादतनि जाना दैदेननायनि बिफाव लागोन। बिथानि थांखिया अलिम्पिकआव मेडेल देरहानानै गासै मुलुगनि गेजेरावनो भारतारि गेलेगिरिफोरनि टेबोल टेनिसआव रेंगैथि थानायखौ दिन्थिफुनानै मेडेल

भारतारि गेलेगिरिफोरबो टेबोल टेनिसाव मेडेल देरहानो हायो। बिथाड बुंदों टफस (टारोट अलिम्पिक पडियाम स्कीम) आवो आंखौ गोबां मदत होदों, बेनिफ्राय आं अलिम्पिकनि थाखाय थियारि जानायाव गोबां मदत मोन्नो हादों।

श्रीजित मुखार्जीआ तापसी पान्नुनि सावथुन शाबाश मिटटुखौ बिथोन होसिगोन

गोदान दिल्ली, 23 जून : आइजो क्रिकेटर मिताली राजनि बाय 'पिक शाबाश मिटटुआ तापसी पान्नुनि मुंदांखा सावथुनफोराव दंफादेरो। बे सावथुनखौ राहुल ढलकियाया बिथोन होदोमोन, नाथाय आथिखालाव राहुलआ सावथुनखौ नागरबाय। बियो ससियेल मिडियानि गेजेरजों बेखौ लानानै गावनि स्टेटमेन्टखौबोफोसावदों आरो सावथुन नागारनायनि जाहोनखोबो फोरमायदों।



राहुलनि स्टेटमेन्टनि बायदिल्ला, शेडयुलआ गात्रि जानायनि जाहोनाव गाव बे सावथुनखौ पेलडेमिकआव सावथुननि सुटि

नागारनो गोनां जादों। कभिडआ साफ्रोमबोनि शेडयुलखौ गात्रि खालामदों आरो गावनियाबो आलादा नड। खाफाल गात्रिनि लिजेन्डारि क्रिकेटर मिताली राजनि जिउआव प्रिया एवन लिस्नाय आरो अजित आन्धरेनि गेजेरजों सान्नाय बे मोजां स्क्रिप्टखौ गाव बिथोन होनाय नंला। मख 'नो गोनांदि, शाबाश मिटटुखौ बिथोन होनायनि बिबानखौ आथिखालाव श्रीजित मुखार्जीनो गथायनाय जाबाय, जाय गावनि सावथुन राज

काहिनीखौ बेगम जाज 'नि मुंजों बिद्या बालनजों लोगोसे हिन्दीआव रिमेक खालामदोंमोन। श्रीजित बेयो गिबि हिन्दी सावथुनमोन। बियो बंगली सावथुनआव श्रीजित जातिश्वर, चतुस्कने, एक जे छील' राजा आरो गुमानामी बायदि सावथुनफोरनि थाखाय मोनथिजायो। नेटफिलक्सआव रिलिज जानाय एन्थलजी सिरिज 2 नि मोनसे सल 'फोर फररो मी नट आरो बहरुपियाखौ श्रीजितआ बिथोन होदों। शाबाश मिटटुखौ लानानै श्रीजितआ बुंदों क्रिकेटखौ मोजां मोनग्रा आरो नोजोर होग्रा जानायनि जाहोनाव मितालीनि सल'आ गावनि थाखाय अरयसम थुलुंगाखांथाव जादों। बे सावथुननि सोमोन्दो जेब्ला गाव गिबि खेब खोनादोंमोन, अल्बानिप्रय उसु-खुथु जादोंमोन। आथिखालाव गाव बे सावथुननि बाहोरो जानानै सावथुननि दावबायनायखौ लानानै उसु-खुथु जासिनदों।

सनु सुदजों थुलुंगाखांनानै रेडलाइट ओन्सोलाव मदद हैदों शालीन भनटआ



गलिआव थांदोंमोन अब्ला गाव हस्खाबै गावखौनो हासि आरो गोसोखौ गिलिर-हाथासि मोन्दोंमोन। नैथि लकडाउननि समाव गाव जेना गोनां जादोंमोन आरो गाव माबा मोनसे मोजां खामानि मावनो सान्दोंमोन। खोलि युगआव खालि सुबुंधियाल' थांनानै थायो। खायसे सुबुंधोर दं, जायफोर गोनांथि जानायफोरनो गोबां मदद होगासिनो। सासे राफोदायनि महयव सनु सुदआ नुजाथिदों आरो जों बयखौबो थुलुंगाखां होदों। गाव नायगिदि हैदों आरो सदान्दोंदि, रेड लाइट ओन्सोलाव बेसेबां आलादा गोल्सोना थांनानों आरो रवबो बेखौ नोजोर होयाखै। गाव ससेल वकरि एबा समाज सिबियारिफोरजों बै ओन्सोलाव थांफादों, जेराव बियो मिथिनो मोन्दोंदि, आइजोफोरा 50 रॉनि थाखायबो खामानि मावो अब्ला बियो गावनि गोसोखौ जोबोद गोजोन गैये आरो दुखु मोन्दोंमोन।

मुम्बाइ, 23 जून: करनानि गोहोमआ गोजौ, गेजेर आरो गाहाय गासैबो थाखोनि सुबुंधोरनाव गोसैदों। बे बायदियाव साफ्रोमबो सुबुंधोर गावनि हानाय बायदि जायखि-जाया राहयै गुबुननो मदद होदों। माखासे स्टारफोरा फाहामथायनिफ्राय लानानै जाग्रा-लौग्रा आदारिसिम गोनांथि जानाय सुबुंधोरनो मदद जगायनानै होगासिनो। बेनि

गेजेरवोनो माखासे गोबां दुखु गोनां जाथायफोरा सोराडाव फैंदों। आथिखालाव फावखुंगुर शालीन भनटआ गावनि इनस्टग्रामआव मोनसे दुखु गोनां जाथायखौ शेयार खालामदों। शालीनआ सेक्स वकरिफोरनो रेसन रान्नो थांदोंमोन आरो बियो बैनि मोन्दोंथिखौ इनस्टग्रामआव शेयार खालामो। बेयाव बियो लिखदों जेब्ला मुम्बाइनि बदनाम ओन्सोल कमाठीपुरा तंग

कुमार सानुआ इन्डियान आइडलखौ लानानै बाश्रा बुंदों

गोदान दिल्ली, 23 जून: बलिउड देखोगिरि कुमार सानुनि बादिल्ला, इन्डियान आइडल बादि सिंगि रिगेलिटी स्व'आ बादायारिफोरखौ नागिरनायनि गंसे जौसांखौ जगायनानै होयो। आथिखालाव बियो बेखौबो बुंदोंदि, रॉगिथ गोनां बादायारिफोरनो अफार होनाया मिउजिकसियानफोरनि बिबान जायो। हिन्दुस्तान टाइम्सजों जर'खा बाश्रा सावरायनायव देखोगिरि सानुआ माखासे बाश्राखौ बुंदों आरो




फोरमायदोंदि, माबोरै मिउजिक इन्डास्ट्रीआ थांनाय माखासे बोसोरफोराव सोलायदों। प्रडाक्सन, मिउजिकनि क्वालिटी आरो देखोगिरिफोरजों मोजां आखु दिन्थिनायनि गोनांथि जायो। मख 'नो गोनांदि, इन्डियान आइडलआ आथिखालाव गोबां खौराडाव थादों। स्वखौ लानानै माबेबा नड माबेबा केसआ सोराडाव फेबाय थायो। कुमार सानुआ बे स्वखौ लानानै माखासे आलादा सानो। थांनाय सानआव कुमार सानु आरो अनुयथा पौडवालआ स्वआव गाहाय आलासि महरै बाहागो लादोंमोन। स्वआव बिसोर सानैआ गोबां रंजनायखौ लादों आरो बादायारिफोरनि देखो रोजाबनायजों बिसोरो गोदोहावनानै थादोंमोन।

गाहाम देहानि राहा

खर 'नि खानाय गनायखौ होबथानायनि माखासे राहा

नोथाड खर 'नि खानाय गनायाव दुखु जादोंब्ला सानफ्रामबो 3 मिनिटसिम खर 'नि खानायखौ मसाज खालाम नांगौ। खर 'नि खानाया गिसिब्ला खर 'नि खानायखौ खानजंजों खाननो नाडा। 'ओशिया हर्बल्स' कम्पनीनि बिथोनगिरि दिलीप कुन्डलियाआ खर 'नि खानाय गनायखौ होबथानो थाखाय माखासे नख 'रारि बाहायनाय टिप्स होदों।



गलायनांगौ।

(1) खर 'नि खानायखौ मसाज खालामनाय :- नेमखान्थि बादिथै देसे समनि थाखाय खर 'नि खानायखौ मसाज खालामनांगौ। बेबादि खालामब्ला थैनि खारसारनाया मोजां रोखोमै जायो। खर 'नि थैया मोजाडै खारसारयोब्ला खर 'नि खानाया गया। खर 'नि खानायखौ मसाज खालामब्ला अलिभ अयेल आरो नारियल थायवाव लेबुनि रसखौ एसे

(2) नख 'रारि हेयार स्या खालामनाय :- गुदुं दैयाव अलिभ अयेल थावखौ एसे गलायना बेवहाय 2 मिनिट थावएलखौ सोबना उनाव बेजों खर 'नि खानायखौ खोबहावन लानांगौ। बेबादि खालामब्ला बेयो नोथांनि खर 'नि खानायनि थाखाय मिथिगायारि हेयार स्या जागोन।


(3) मिथिगायारि रस एबा जुस :- गावबा गावनि खर 'नि खानाय सिनि बिगुरयाव

सामब्राम गुफुर सामब्राम गोजा आरो हायजैनि रसखौ फुन्ना लानो हायो। बेखौ खर 'नि खानायाव फुनना हरसे थारला लाखि नांगौ।

(4) खर 'नि खानाय गिसिखौ खानजंजों खाननो नाडा। खर 'नि खानाया गिसिखौ खानजंजों खानब्ला खर 'नि खानाया गयो। हाखु-दाखु जाथारदोंब्ला खर 'नि खानायखौ एसे रानहोना खाननांगौ।

अक्षय कुमारआ दस्ताना 2 आव कार्तिक आर्यनखौ रिप्लेस खालामगोन

गोदान दिल्ली, 23 जून: करन जहरनि सावथुन दस्ताना 2 आव थांनाय माखासे समनिफ्राय खौराडाव थादों। माखासे सान सिगां कार्तिक आर्यनखौ बे सावथुननिफ्राय बायजोआव खालामदोंमोन। कार्तिकखौ बायजोआव खालामनायनि उनाव मेकासनि फारसे जेबो रोखा बिबुंधिया सोराडाव फेबायखोमोन आरो फावखुंगुरआबो बेनि सोमोन्दै दासिमबो जेबो बाश्रा सावरायाखै। नाथाय कार्तिकआ बायजोआव थायानयनि उननिफ्राय करनआ गोदान महरखौ नागिरदोंमोन। आथिखालाव खौराडाव ओरै बायदि फैंदोंदि, करनआ सावथुननि थाखाय महर मोनबाय आरो जाय फावखुंगुरनि मुडा सोराडाव फैंदों बेखौ खोनानानै नायगिरिफोराबो उसु-खुथु जागोन। खौरांनि बायदिल्ला, अक्षय कुमारआ दस्ताना 2 नि थाखाय गनायबाय आरो 2022 आव सावथुननि




सुटिखौबो जगायनाय जागोन। आथिखालाव मेकासनि फारसे बेनि सोमोन्दै जेबो मावख'आरि फोसावनाय जायाखै, नाथाय वेबसाइटजों बाश्रा सावरायनायाव सुलुआ बे बाश्राखौ कन्फर्म खालामदों। सुलुआ फोरमायदों अक्षयआ सावथुननि थाखाय गनायबाय आरो फैगौ बोसोरनिफ्राय सावथुननि सुटिं खौ जागायनायनि यजना बानायनाय जादों। मानोना आथिखालाव अक्षयआ गावनि

गुबुन मोनसे प्रजेक्ट आरो कमिन्टमेन्टफोराव नांथावनानै दड, बेनि खायनो सावथुननि सुटिं खौ फैगौ बोसोराव जागायनाय जागोन। मख 'नो गोनांदि, अक्षय कुमार आरो करन जहरनि गेजेराव गोबां मोजां लोगोनि सोमोन्दो दड। गिबियाव अक्षयआ केसरी आरो गुड निउजआव धर्मा प्रडाक्सनजों लोगोसे हाबाफारि मावखांबाय आरो बे मोनैबो सावथुनआ परदायाव सुपारहित जादोंमोन।

स्केम 1992 आ बयनिखुइ हाइ रेटेड श्व' जादों

गोदान दिल्ली, 23 जून : मुंदांखा वेब सिरिज स्केम 1992 दा हर्षद मेहेता स्टरीआ इन्टरनेट सावथुन डेटावेस (आइ एम डि बिनि मुलुगानां फारिलाइआव टप टेन हाइएस्ट रेटेड टिभि स्व'आव जायगा मोन्दों। प्रतिक गान्धी स्टार आरो हन्सल मेहेतानि गेजेरजों बिथोन होनाय। बे वेब सिरिजआ 250 हाबाफारिफोरनि फारिलाइआव बयनिखुइबो बांसिन रेटि श्व' जादों। स्केम 1992 दा हर्षद मेहेता स्टरीआ आइ एम बि बिआव 10 नि गेजेराव 9.6 नि रेटिंखौ मोन्दों। हन्सल मेहेतानि गेजेरजों बिथोन होनाय श्व'आव मुलुगानां थाखोनि फारिलाइआव 9थि थाखोखौ मोनो हादों। बेवहाय 250 हाबाफारिफोरा आरोबाव



दंफादेरोमोन। आइएमडिआव माबेबा सावथुन एबा सिरिजनि रेटिंखौ इउजारफोरनि गेजेरजों होनाय रेटिफोरनि सायाव बिथा खालामनानै थि खालामनाय जायो आरो बेनि बिबांआ 10 सिमल' जायो। फारिलाइआव टपआव बेन्ड अफ ब्रदर्स,आ थादों आरो बेनि उनाव ब्रेकिं

बेड आरो चेर्नबिलआ दंफादेरो। स्केम 1992 नि गोजौआव गुबुन जाय श्व'फोरा थादों, बेवहाय दा वायार, अवतार : दा लास्ट एयारबेन्ड, गेम अफ थ्रन्स, दा सप्रानस, रिफ एन्ड महीआ दड; जेराव 10 थि थाखोआ जापाननि एनीमेटेड सिरिज दा फुलमेन्टल आलकेमिस्टआ मोन्दों। फारसैथं

मिडिया रिपर्टनि बायदिल्ला बे सिरिजआ फव खालामनो थाखाय प्रतीक गान्धीआ 18 किल' लेरथायखौ बांहोरो गोनां जादोंमोन आरो बियो बांहोदोंबोमोन। मोनसे इन्टरभिडनि समाव बियो फोरमायदोंमोनदि गावनि लेरथायआ गिबियाव 71 किल'मोन आरो सिरिजनि समाव 89 किल' सिम जादोंमोन। मख 'नो गोनांदि, फावखुंगुर प्रतीक गान्धीनि विट्टल तीडीआ माखासे सान सिगांनो डिजिटल प्लेटफर्मआव रिलिज जादों। स्केम 1992 आ जापुंसारनायनि उनाव प्रतीकनि बेयो गिबि सिरिजमोन। आथिखालाव प्रतिकनि बायदिल्ला बिनि बे सिरिजआ स्केम 1992 जों रुजुनांगोन।

कृति सेननखौ हलिउड सावथुन किल बिलनि हिन्दी रिमेकआव नुनो मोनगोन

गोदान दिल्ली, 23 जून: फावखुंगुरि कृति सेनननियव आथिखालाव गोबां सावथुनफोर दड, जेराव बिखौ आलादा-आलादा आखुआव नुनो मोनो हागौ। मिडिया रिपर्टनि बादिल्ला, बिनि आखाइयाव मोनसे सावथुनआ थायो हागौ, जायखौ अनुराग काश्यपआ बिथोन होगोन। रिपर्टनि बादिल्ला, हलिउडनि मुंदांखा एक्सन थ्रिलर सावथुन किल बिलनि हिन्दी रिमेकनि थाखाय अनुरागआ कृतिखौ लानानै बे सावथुनआव खामानि मावसिगोन। पिंकभिलानि बादिल्ला,



निखिल दबिबेदीआ सावथुननि बानायगिरि जागोन, बेगफरसै अनुगनि सायाव सावथुनखौ

बिथोन होनायनि बिबान दड आरो बे सावथुनखौ खालामनो थाखाय निखिल दबिबेदीआ माखासे सम सिगांनो हिन्दी रिमेकनि रइटरफोरखौ बायदोंमोन। मोननैबो लकडाउननि समाव सावथुननि सल'आव हाबा मावदोंमोन आरो आथिखालाव बियो फाइनाल ड्राफ्ट थियारि खालामबाय। सावथुनआव गाहाय हिर'इननि थाखाय कृति सेननजों सोमोन्दो लाखिनाय जादों। कृतिआ बेनि थाखाय गनायबाय। बियो थाबैनो सावथुनखौ मुंसाइ खालामसिगोन।

गोदान दिल्ली, 23 जून: ससुराल सिमर कानि मुंदांखा अभिका गौर आरो मनीष रायसिन्धनआ गावसोरनि एफेयारनि खौरांखौ लानानै गोबां खौराडाव थादों। खौरांनि बादिल्ला, बिसोर सानैहा सासे फिसावो दड, जायखौ दोनखोमानाय जादों। फावखुंगुरिआ बावैसो समाव बेनि सोमोन्दै उदाडै बाश्रा बुंदों आरो बेफोर गासैबो बाश्राफोरखौ नंखाय होनानै फोरमायदों। फावखुंगुरिआ रोखायै बुंदोंदि, गाव आरो मनीषआ मोजां लोगोल'। अभिकानि उनाव मनीषआबो बे खौराडाव सिरि थानायखौ सिफायदों आरो बेखौ नंखाय होनानै फोरमायदों। इटाइम्सजों बाश्रा सावरायनानै



मनीषआ बुंदों, बेयो बयनिखुइबो बांसिन जानला-मोनला बाश्रा, जायखौ आं आंनि आरो अभिकानि लोगोनि सोमोन्दै खोनादों। सानै सुबुड मानो लोगो जानो हाया? मानो बिसोरो रिलेसनसिपआवल' थांनानै? आरो बे बाश्राया थारदि

आं अभिकानिफ्राय 18 बोसोर देरसिन। मनीषआ बुंभावदों अभिकाया अरय सम आंनि मोजां लोगो जानानै थागोन। बियो मिनिन्द चन्दवानीजों लोगोसे रिलेसनसिपआव गोबां गोजोनै दड आरो आंनि जुलिआबो से बोसोर आबुं

जाबाय। 2020 जूनआव आंनि जुलिआ जादोंमोन। संगीता आरो आं बे नंखाय बाश्रा बांसावनायाव मिनियो। बेनि सिगां आरजे सिद्धार्थनि सौंथिनि फिन्नायाव अभिकाया बुंदोंमोन-बेयो जानो हाथावै। जों खौ गथ' दोनखोमादों होनानै बायदि आर्टिकल लिखदों, जाय गोरोन्थि जादों। जों दासिमबो गोबां खाथिनि सोमोन्दोआव दड। आंनि जिउआव बियो अरयसम मोनसे थाखोआव थागोन। 13 बोसोर बैसोनिक्राय दासिमनि आंनि दावबायनायाव बियो आंनि बयनिखुइबो खाथिनि लोगो महरै थाबोदों। आं बिनिफ्राय गोबां सोल्लोंदों। बियो आंनि 18 बोसोर देरसिन।

भारतआ करना भाइरासनि एक्टिभ केसआ 82 सानफोराव बयनिखुइबो बाइइ जादों

गोदान दिल्ली, 23 जुन : भारतआ करना भाइरासनि एक्टिभ केसखौं 82 सानफोराव बयनिखुइबो बाइइ थिसन्दों। जाय हादतआ इनफेक्सन गोसारनायनि नैथि दोहोआव लासै दावखलायनायनि बयनिखुइबो देरसिन इसारा जादों। मिरुनि गाहाम देहा मावख'नि बायदिवला आथिखालावआव हादतआ 6.43,194 सांग्रांथि करना इनफेक्सन जानायनि बेरामिफोर दड। जायफोरनि फाहामथाया सोलिगासिनो दड। बेनि अनगायै इनफेक्सननिप्रय मोजां जानायनि बिबाइबो बानानै 96.56 जौखोन्दो जाबाय। मावख'नि बायदिवला सानफोमबो फैनाय इनफेक्सननि बिबाइ आथिखालाव 2.67 जौखोन्दोल'सै। मिरुनि गाहाम देहा मावख'नि बायदिवला, थानाय 24 घन्टायाव कभिड 19नि 50,848 गोदान केसआ सोराइव फैंदों आरो 1358 इनफेक्सन जानाय बेरामिफोरा



थैंदों। बेयो 6 थि सान जादों, जेव्ला थैनायफोरनि अन्जिमाया 2000 निफ्राय गाहायाव थैंदों लोगोसेनो बेयो 16 थि सान जादों जेव्ला 1 लाखनिफ्राय बाइइ गोदान केसफोरखौं मोनो हादों। दासिमआव हादतआव गासै इनफेक्सन जानायफोरनि अन्जिमाया 3,00,28,709 आव सौहैखांबाय आरो थैनायफोरनि अन्जिमाया 3,90,660 जादों।

मावख'नि बायदिवला, दासिमआव करनाखौं फेजेन्यायफोरनि अन्जिमाया 2,89,94,855 जादों, जायनि गेजेराव 68,817 इनफेक्सन जानाय फोरा मोजां जानानै 24 घन्टायाव डिस्चार्ज जादों। आइसिएमआरनि बायदिवला भारतआ थानाय सानआव करना भाइरासनि थाखाय 19,01,056 सेम्पलखौं टेस्ट खालामनाय

जादों, नाथाय थानाय सानसिमाव गासै 39,59,73,198 सेम्पल टेस्ट खालामनाय जाखांबाय। आमेरिकानि उनाव भारतआ मुलुगनि नैथि हादत जादों जेराव 3 कौटिनिफ्राय बांसिन सुबुंनाव

इनफेक्सन जादों। थानाय 50 सानफोरावनों भारतआव 1 कौटि करना इनफेक्सननि केसआ बांदों। 3 मेआव भारतआ इनफेक्सन जानायफोरनि गासै अन्जिमाया 2 कौटिनिफ्राय बांसिन जादों। 19 डिसेम्बरआव भारतआ करना इनफेक्सननि केसफोरनि अन्जिमाया 1 कौटिनि बांसिन जादोंमोन, जायनि उनाव बेखौं 2 कौटिसिम सौहैनायाव 136 साननि सम नांदे। 23 मार्चआव भारतआ 47,262 इनफेक्सन जानायखौं मोन्दों, जेराव 22 जुनआव 42,640 करनानि केसखौं मोन्दों। हादतआव थानाय 54,24,324 भेक्सिन थुनाय जादों, जायनि उनाव गासै भेक्सिन थुनायनि अन्जिमाया 29,46,39,511 जादों।

पाटनायाव पेट्रलनि बेसेना लिटारफ्रोमबो 100 रानि खाधियाव सौहैदों

गोदान दिल्ली, 23 जुन : लाश्रिये बानाय थावनि बेसेनाव दिने बानायखौं नुनो मोनाखे। इन्डियान अयेल कपरिसननि बायदिवला, दिल्लीआव पेट्रलनि बेसेना लिटारफ्रोमबो 97.50 रानि आरो डिजेलनि बेसेना लिटारफ्रोमबो 88.23 रानिआव दिदोमै थादों। दिल्लीयाव जुन दानाव दासिमआव पेट्रलनि बेसेना 3.27 रानि आरो डिजेलनि बेसेना 3.08 रानि बांखांबाय। बेनि सिगां मे दानाव पेट्रलआ 3.89 रानि आरो डिजेलआ 4.42 रानि बांदोंमोन। गुबुन सहरफोरावबो बेसेनाव माखासे सोलायनाया जायाखे। मुम्बाइयाव पेट्रलखौं लिटारफ्रोमबो 103.63 रानि आरो डिजेलखौं लिटारफ्रोमबो 95.72 रानिआव फान्दों।



चेन्नाइआव 1 लिटार पेट्रलखौं 98.65 रानि आरो डिजेलखौं 92.83 रानि फान्दों। कलकातायाव पेट्रलखौं लिटारफ्रोमबो 97.38 रानि आरो डिजेलखौं लिटारफ्रोमबो 91.08 रानिआव मोन्दों। हादतनि आलादा आलादा जायगाफोराव बे समाव पेट्रल आरो डिजेलनि बेसेना लिटारफ्रोमबो 100 रानिआव सौहैनाये गावनि रेकड थाखोआव थादों। मिरुनि

पेट्रलियाव मन्थि धर्मन्द् प्रधानआ थावनि बेसेनफोराव लाश्रिये बानायखौं गोथां थावनि बेसेनफोराव बानायखौं फोरमायदों। बियो बुंदों, थावनि बेसेनफोराव लाश्रिये बानायनि गिदिर जाहोना इन्टारनेसनेल मार्केटआव गोथां थावनि बेसेनफोराव बानायनि जाहोनाव जादों। भारतआ बाहायग्रा 80 जौखोन्दो थावखौं गावसोर गुबुन हादतनिफ्राय लाबायो।

गलवाननि उनाव चीनआ साबसिन ट्रेनिनि गोनांथिखौं मोन्दांदों : जेनेरेल बिपिन रावत



गोदान दिल्ली, 23 जुन : चीफ अफ डिफेन्स स्टाफ जेनेरेल बिपिन रावतआ थानाय मंगलबारखालि बुडोदि, थानाय बोसोराव सान्जा लाहाखयाव थानाय एलएसनि गलवान हायेन आरो गुबुन जायगाफोराव

भारतयारि सान्थिफोरजों लोगोसे मोगा मोगि जानायनि उनाव चीननि सान्थिफोरा गावसोर साबसिन ट्रेनिनि गोनांथिखौं जानायखौं मोन्दांदों। सिडिएस रावतआ बुंनाय बायदिवला, चीननि सान्थिफोरखौं दसे समनि थाखाय थिसन्याय जायो। बिसोरनाव हिमालय बायदि जेना गोनां ओन्सोलफोराव दावहा नांनयनि बांद्राय मोन्दांथि थाया। बेनि सोमोन्दे रावतआ बुंनावयो, भारतजों लोगोसे

सिमायाव चीननि सान्थिफोर थिसन्यायाव सोलायनाय फैबाय। जरखायै मे आरो जुन 2020 आव गलवान आरो गुबुन ओन्सोलफोराव जानाय जाथायफोरनि उनाव। मख'जाथावदि, थानाय बोसोरनि 15 जुनआव गलवान हायेनाव जानाय दावहायाव चीननि सान्थिफोरा गोबां ख'हा जादोंमोन। बेनिफ्रायनो चीननि सान्थिफोरनो साबसिन ट्रेनिनि गोनांथि जानायखौं मोन्दांथिदों।

गोदान दिल्ली, 23 जुन: कभिड-19 इन्फेक्सनजों नख'रनि गाहाय खामायग्रा सुबुइ जिउ गोमायोव्ला बिनि नख'रनि सासे, भुगिनांनय सुबुंनि बिसि, फिसाइ, फिसा एवा बिमा-बिफाया सरकारनिफ्राय रंखांथियारि मदद मोनगोन। बावैसो सम सिगाइव गिबि मन्थि अरबिन्द केजरिवालआ बेबाश्राखौं फोसावदों। गिबि मन्थिआ कभिड-19 परिवार आधिक सहायता यजना मुडै बिथोन्मा फोसावननै होदों। बेयाव गुबुन गुबुन थाखोआव 2,500 रानि मदद होनो फोसावनाय जादों। बेनि मुलाम्फाखौं खालि बैसोरल' मोनगोन जायफोरनि नख'रआव कभिड-19 जों जिउ खोमानांदों आरो बियो दिल्लीनि थागिबि

जानां गोन। सरकारनि बिथोनमानि बादिवला, बेखौं मोन 6 थाखोआव होनाय जागोन। जुदि बिसिया थैंदोव्ला फिसाइआ, फिसाइया थैंदोव्ला बिसिनो, बिमा-बिफा सानैबो कभिडजों थैंदोव्ला फिसाफोर बे मुलाम्फाखौं मोनगोन। बेनि अनगायै जायफोर जुलि जायै फिसाजो-फिसाज्जलानि जिउ खहा जादों अब्ला बिनि सायाव सोनारनानै थानाय फंवाय एवा बिदायाबो रंखांथि मदद मोनगोन। नाथाय बिदा-फंवाय एवा बिब'-बिनानावआ गोसोयारि आरो देहा सोलेयारि जेना गोनां थामहिनाबो बैंगुर-बैंगुरि जानांगोन। बे गासैबो यजनाखौं समाज जौगाखां बिफाननिफ्राय सामलायनाय जागोन। बे



यजनानि गेजेरजों रंखांथि मदद मोनानयनि उनावबो भुगिनांनय सुबुइ समाज जौगाखां बिफाननि गुबुन यजनाखौंबो मोनो हागोन जरे-रानि पेन्सन, बोराय-बुरै पेन्सन बायदि। बेखाबुखौं मोनो हानाय थासारिफोरा जादों फिसाया कभिडजों थैयोव्ला बिसिआ 2,500 रानि थैजासिम मोनगोन, लोगोसे रानि पेन्सनबो मोनगोन। जुदि

बिसिआ थैयोव्ला 2,500 रानि बिनि फिसाइआ थैजासिम अन्सुंथाय मोनगोन आरो गुबुन यजनाफोरनि मुलाम्फाखौंबो मोनगोन। बिमा-बिफानि सोरबा सासेआ सिगाइववो मानिबा जाहोनाव थैखांबाय आरो बिसोरनि सासेआ कभिड-19 जों थैंदों, अब्ला बिसोरनि 25 बोसोरनिखुइ खमसिन बैसोरनि साफ्रोमबो फिसाफ्रा 2,500 रानि 24 बोसोर बैसो जाजासिम बे रंखौं मोनबाय थगोन। नाथाय बिसोरिहा गवबो फिसाफोर गैयाव्ला बिनि बिमा एवा बिफाया जायखि-जाया

सासेआ जिउ जेबजसिम 2500 रानि पेन्सन मोनबाय थगोन। बेरफासै जुलि जायै फिसाजो एवा फिसाज्जलाया करनाजों जिउ गोमायोव्ला बिनि बिमा एवा बिफाया बे रंखांथि अन्सुंथायखौं मोनगोन लोगोसे बिसोरों बोराय-बुरै पेन्सनखौंबो मोनो हागोन। सोरबा सासे नख'रनि खामायग्रा सुबुइ करनाजों थैंदोव्ला बिहा बिमा-बिफाबो गैया आरो बिहा बेंगुर-बेंगुरि बिदा-फंवाय एवा बिब'-बिनानाव दडव्ला बिसोरनि सासेआ 2500 रंखौं थैजासिम मोनबाय थगोन।

चीननि भेक्सिनआ गोहोम गैयै, जाय हादरफोराव थुदों बेयाव करना भाइरासआ गोसारगासिनो दड

निउयक, 23 जुन: भारतजों लोगोसे चीनआबो भेक्सिन डिप्लोमैसिखौं बारयहोनायै माखासे हादरफोरनो टिका दैथाय हरदों। माखासे हादरफोरा चीननि टिकाखौं बायबायबो। आथिखालाव चीननि करना भेक्सिनआ बेसेबां बान्जायजाथाव बेखौं लानानै सौथि सिखांगोसिनो दड आरो आथिखालाव एरैबादि खौरां फैंदोंदि, जाय हादरफोराव बे भेक्सिनखौं थुनाय जादों, बेयाव करनानि केसफोरा बारयगासिनो दड। अदेबानि मंगलिय, सेशेल्स आरो बहरिनआ चीननि टिकाफोरनि सायाव सोनारदोंमोन। नाथाय निउयक टाइम्सनि बादिवला, बे हादरफोराव इन्फेक्सनआ आथिखालाव गोखैयै गोसारनो हमदों। माखासे हादरफोरनि बिदिन्थिनिफ्राय बे खौरांखौं मोन्नाय जायोदि, चीननि भेक्सिनआ करना भाइरास इन्फेक्सनखौं गोसारनायनिफ्राय होबथानायाव बान्जायजाथाव नड, जर'खायै गोदान भेरिन्टखौं होबथानायाव। मख'जाथावदि, सेशेल्स, चिली, बहरिन आरो मंगलियआव गासै 50 जौखोन्दोनिखुइ 68 जौखोन्दोसिम थागिबिफोरखौं टिका थुनाया आबुं जाबाय। नाथाय गोहोम गोलैनाय टप 10 हादरफोरजों बे हादरआबो दफायो। इडनिभासिदि अफ हंकेनि भायर्'लजिस्ट्र जिन डंयानआ बुडे-जुदि टिकाया गोहोम गोनां जायोव्ला जों बे थासारिखौं नुनो मोन्नाय नडमोन। चीननि सिनफार्मनि सायाव सोनारनाय सेशेल्सआव 10 लाख सुबुंफोरनि गेजेराव दासिमबो सा 716 करना इन्फेक्सन मोन्नाय जादों। चीननि फार्सेनिफ्राय हेफाजाव महैर होनाय टिकाफोरनि सायाव सोनारनानै मंगलियआ टिका थुनायखौं जागायनाय लोगो लोगो होबथानायफोराव गुरु खालामनो जागायदोंमोन। मंगलियआ हादरनि गासै 52 जौखोन्दो थागिबिफोरनो टिका थुनाय। नाथाय थानाय रबिबारखालि बेयाव करनानि 2 रोजा 400 गोदान केस मोन्नाय जादों। बेरफासै बहरिन आरो इडएआ सिगांगो दररै हादरमोन, जाय सिनफार्म भेक्सिनखौं गनायथि होदोंमोन आरो बेनि जेबथा खोलोबनि क्लिनिकेल ट्रयेलनि डाटया फैयाखोमोन। अब्लाबो बे हादरफोराव टिका मोन्नाय सुबुंफोरा बेराम जागासिनो दड। बेनि सोमोन्दे आथिखालाव चीननि गुबुन हादरयारि बिफानआ मोनसे बिबुंथि फोसावनानै बुडोदि, इन्फेक्सनआव बारयनाया चीननि भेक्सिनजों जेबो सोमोन्दो गैया। सुलुइव फोरमायनाय बादिवला, फाइजर बायटेक आरो मडानानि भेक्सिनआ 90 जौखोन्दो गोहोम गोनां। बेरफासै चीननि सिनफार्म भेक्सिनआ इन्फेक्सननि हँथायै 78 जौखोन्दो गोहोम गोनां। बेनि अनगायै चीननि सिनभेक भेक्सिनआ 51 जौखोन्दोल' गोहोम गोनां।

सावरायज्जलायनायनि मिजिं लाखियोव्ला आमेरिकाया बांसिनै दुखु मोन्नांगोन: किम जं

सियल, 23 जुन: सा करियानि तानाशाह दैदेनगिरि किम जं उनिनि गोहो गोर बिनानाव किम य जंआ आमेरिकाजों सोलोयारि खान्थिनि सोमोन्दोआ सरसन्हा जानो हासिगौ होनाय बाश्राखौं नेवसिगारनानै बुंदोंदि, सावरायनायखौं लानानै आमेरिकानि मिजिंथिनायफोरा बेखौं आरोबाव दुखु मोनहोगोन। खायसे जर'खाफोरनि बादिवला, किम य जंनि बे गोखों बाश्रा बुंनाया इसारा होयोदि, जेव्लासिम सा करियानिफ्राय होबथानायफोरखौं बोखारनाय जाया अब्लासिम बेनि गुन्द्रसा हाबाफारिखौं लानानै सोलोयारि हाबाफारिआ सोलिबाय थानो हागौ। मख'जाथावदि, किम जं उनआ बावैसो सिगां गावनि बिबानगिरिफोरखौं बुंदोंमोनदि, बिसोरो सावरायज्जलाय आरो दावराव-दावसिन थाखाय थियारि थानांगोन। आमेरिकानि

सा करिया केसफोरनि गोजौ थाखोनि आमेरिकानि थान्दें सुं किमआ खोला करियाआव दावबायहैदों। सुं किमआ बुंदोंदि, बियो आसा खालामोदि सा करियाआ सावरायनायनि थाखाय आमेरिकानि बिथांथिफोरनि सायाव थाबैनो मोजां फिनजाथाय होगोन। बेरफासै किमआ गावनि गुन्द्रसा गोहो बांहोनायनि हुमखिबो होदों आरो बुंदोंदि, सोलोयारि खान्थि आरो मोननै बेरेखा हान्जाफोरनि सोमोन्दोआ बे बाश्रानि सायाव सोनारोदि, वाशिंगटनआ गावनि सुथुर सान्या नेमखान्थिफोरखौं नागारोन ना नागार। सियलआव थानाय करिया रिस्चर इन्स्टिटुट फर नेसनेल स्ट्रेटजनि नायबिजिगिरि शिनवेअमचुलआ बुंदों, सा करियाआ माखासे दानफोरनिप्रय बे खौरांखौं होगासिनोदि, जेव्लासिम आमेरिकाया बेनि



माहारियारि रैखाथि सुबुरुनगिरि जेक सुलिबानआ किम जं उनिनि बै बाश्रा बुंनायखौं मख'जाथाव इसार होनानै फोरमायदोंमोन। नाथाय किम य जंआ सुलिबाननि बाश्रा बुंनायखौं लाजिफोनाडो एवा नंखाय खालामो। सरकारि सुलुंनि बादिवला, किम य जंआ बुंदोंदि, एरैबादि मोन्दाडो आमेरिकाया गावखौंनो नंखाय फोथायहोना थाखाय थासारिनि खेंफोरथि होदों। आमेरिकानि बे मिजिंथिनाया गावखौंनो आरोबाव दुखु होगोन। किम य जंआ बे बाश्राखौं बुंनाय समाव

सा करिया केसफोरनि गोजौ थाखोनि आमेरिकानि थान्दें सुं किमआ खोला करियाआव दावबायहैदों। सुं किमआ बुंदोंदि, बियो आसा खालामोदि सा करियाआ सावरायनायनि थाखाय आमेरिकानि बिथांथिफोरनि सायाव थाबैनो मोजां फिनजाथाय होगोन। बेरफासै किमआ गावनि गुन्द्रसा गोहो बांहोनायनि हुमखिबो होदों आरो बुंदोंदि, सोलोयारि खान्थि आरो मोननै बेरेखा हान्जाफोरनि सोमोन्दोआ बे बाश्रानि सायाव सोनारोदि, वाशिंगटनआ गावनि सुथुर सान्या नेमखान्थिफोरखौं नागारोन ना नागार। सियलआव थानाय करिया रिस्चर इन्स्टिटुट फर नेसनेल स्ट्रेटजनि नायबिजिगिरि शिनवेअमचुलआ बुंदों, सा करियाआ माखासे दानफोरनिप्रय बे खौरांखौं होगासिनोदि, जेव्लासिम आमेरिकाया बेनि

सायाव रंखांथियारि होबथानायखौं बोखार आरो बेनो रेहाय होया अब्लासिम बेयो सावरायनो जेबो थोथि लानाय नड। शिनआ बुंबावदोंदि, मोननैबो हान्जाया नेनानै दं, सा करियाआ हास्थायो गिबिआव आमेरिकाया होबथानायफोरखौं रेहाय होयो आरो आमेरिकायाबो सा करियानि दावि देखानायखौं गनायनायनि थांथि गैया। खोला करियाआव गावयारि सेज्ज कंसयाननि नायबिजिगिरि चेअं सेअं-चांआ बुंदों, किम य जंनि बाश्रा बुंनारनिफ्राय मिथिनो हायोदि, आथिखालाव सा करियाआ सावरायज्जलायनो थाखाय थियारि नडा। फारनैथिजायनिबो फोथायलायै आरो सुथुर सानलायनाया एरैबादि गोथोदि, सा करिया आरो आमेरिकानि गेजेराव सावरायज्जलायनाया सरसन्हा जागोनआ गोत्राव।

बिदाया गावनि फंवायखौं रुवाजों दानथारदों

ग्रेटर नएडा, 23 जुन: ग्रेटर नएडानि साकिपुर गामियाव थानाय समबारनि हराव सासे सुबुइ गावनि सानै फिसाज्जलाफोरजों लोगोसे ज' जानानै नख'रनि दावराव-दावसिआव रुवाजों गावनि असे फंवायखौं बुथारदों। दायनिगिरिफोरा थैनायनि बिसि आरो सानै फिसाफोरखौंबो बुनानै जोखोम खालामदों। गोत्राव थासारियाव साथामखौंबो देहा फाहामसालिआव थिसन्याय जायो। बे जाथायखौं खालामनायनि उनिफ्रायनो दायनिगिरिफोरा खारखोमानानै दड। आथिखालाव पुलिसआ दायनिगिरिफोरखौं नागिरनायाव नांथाबनानै दड। अदेबानि दायनिगिरि बिफा-फिसाज्जलाया दानसे सिगाइव पेरलआव गबोनायै बाइजोआव फैंदोंमोन। सुलुइव फोरमायनाय बादिवला, साकिपुर गामियाव महेन्द्र सिंआ गावनि नख'रजों लोगोसे थायोमोन। बेरफासै महेन्द्र सिंनि खाधियावनो बिनि बिदा सतपालआबो गावनि नख'रजों लोगोसे थायोमोन। नख'रनि दावराव-दावसि जानायनि जाहोनाव थानाय समबारखालि हराव सतपालआ गावनि सानै फिसाज्जलाफोरजों लोगोसे गावनि न'आव उदुबाय थानाय फंवायनि नख'रनि सायाव गाग्लोबो। बे जाथयनि खौरां मोन्नाय लोगो-लोगो कतवाली पुलिसनि हान्जाया जाथायथिलिआव सौहैनायै नायबिजिनायखौं जागायो। बे जाथयनि सोमोन्दे सुरजपुर कतवालीनि बिबानगिरि अजय कुमारआ फोरमायनाय बादिवला, दायनिगिरि सतपालनि सासे फिसाज्जला शेखरनि हाबाया माखासे सान सिगां बुलन्दशहरनि थागिबि सासे सिख्ताजों जादोंमोन। नाथाय हाबानि माखासे सान उनावनो शेखर आरो बिनि बिसिनि गेजेराव दावराव-दावसि जायो। बेनि जाहोनाव बियो गावनि बिमा-बिफानि न'आव थाडो। अदेबानि बिसि-फिसाइनि गेजेराव सोलिनाय दावराव-दावसिखौं लानानै थानाय समबारखालि साकिपुर गामियाव थानाय सतपालनि न'आव पन्चायतनि जथुम खुंदोंमोन। बे जथुमआव मोननै हान्जानि गेजेराव थि जायोदि, होवानि नख'रआ हाबायाव जानाय खरसानि फैसाखौं हिन्जावनि नख'रनो हरनांगौ। बे समाव 60 रोजा रं होनायनि सायाव बाश्राया थि जायो। बेरफासै सतपाल आरो बिनि फिसाज्जला सेखरआ फैसा होनो रजि जायाखोमोन। मिथिनो मोन्नाय बादिवला, बे जथुमनि समाव सतपालनि फंवाय महेन्द्रआ हिन्जावनि हान्जाजों लोगो जादोंमोन। बेनि जाहोनाव सतपाल आरो बिनि फिसाज्जलाफोरा रागा जोडो। बेनि सिगांबो गंनै नख'रनि गेजेराव नांज्जलाय-खमज्जलाय सोलिदोंमोन। बेनि जाहोनावनो सतपाल आरो बिनि फिसाज्जलाफोरा महेन्द्रनि नख'रनि सायाव गाग्लोबो। पुलिसआ फोरमायनाय बादिवला, माखासे सान सिगांबो बिसोर बिफा-फिसाज्जला साथामजों गामिनि सासे लाइमोननि सायाव गाग्लोबदोंमोन। बे केसआव भुगिनांग्रानि अजद दैखानायाव केस थिसन्याय जादोंमोन। पुलिसआ बिसोरखौं हमयानै जेलाव दैथायहरदोंमोन। नाथाय करना बोथोरनि जाहोनाव साथामखौंबो दानसे सिगां पेरलआव जेलनिफ्राय रेहाय होदोंमोन।

बारगा' गाहाय मन्थि रजिब गान्धीखौं बुथारनाय जाथायनि दायनिगिरिनि हियारिआ 3 सप्ताह फावसायबाय

गोदान दिल्ली, 23 जुन: सुप्रिम कर्टआ बुंदोंदि, रजिब गान्धीखौं बुथारनाय केसआव जिजनि जेबथा समसिम जेबथेसालिनि साजा भुगिबाय थानाय एजि पेरारिबलननि पेरलनि दावि देखानाय आर'जलाइनि सायाव कर्टआ 3 सप्ताह उनाव हियारि होगोन। बिजिगिरि बिनीत सरण आरो दिनेश महेस्वरीनि बन्द मोन्नाय पीठआ बे पेरारीबलननि उकिलआ हियारिखौं दोन्थ'नो खावलायनाय लाइजाम रनानै होनायखौं बिथा खालामनानै बे थांथिखौं लायो।



पीठआ बिथोनआव बुंदोंदि, गांसे लाइजामआ हियारिखौं दोन्थ'नायनि। बे केसखौं 3 सप्ताहनि उनाव मोनसे गोजौ थाखोनि पीठनिसिम दैथायहरनाय जागोन। बिजिगिरिनाय थानाय बेसोरनि 23 नभेम्बरआव मेडिकेल टेस्टनि थाखाय पेरारीबलननि पेरल समाय सिमनाखौं से सप्ताह बारयनानै होना तामिलनाडु सरकारनो बिथोन होदोंमोनदि, जेव्ला डक्कटराव टेस्टनि थाखाय देहा फाहामसालिआव थांगोन अब्ला पुलिसआ बेजों थांफानांगोन।

